

家

譜

地

孔聖家語卷之四

武林後學吳嘉謨集校

六本第十五

孔子曰行已有六本焉本立然後為君子也

論語君子務本

本立而道生易正其本萬事理

立身有義矣而孝為本

孝百行之首

喪紀

有禮矣而哀為本

喪與其易也寧戚

戰陣有列矣而勇為本

後之幾先之至

治政有理矣而農為本

君以民為天民以食為天

居國有

道矣而嗣為本

太子天下之本也本搖則國隨之

生財有時矣而力

為本

生財有大道在為之者疾

置本不固

置立也

無務豐末

豐培使大也本

不固末雖豐而必覆大學所謂其本亂而末治者否矣

親戚不悅無務外交先

薄矣外交何為其所厚者薄而其所薄者厚未之有也事不終始無務多業記

聞而言無務多說但記所聞而言言不出記中故不

務多談比近不安無務求一作遠是故反本脩邇君子

之道也

孔子曰良藥苦口而利於病忠言逆耳而利於行湯

武以諤諤而昌商湯周武由聽桀紂以唯唯而亡夏桀

殷紂其臣順意惟君無爭臣父無爭子兄無爭弟士

無爭友無其過者未之有也君父兄士若均無諫爭

也故曰君失之臣得之父失之子得之兄失之弟

得之已失之友得之是以國無危亡之兆家無悖亂

之惡

國不至於危亡
家不至於悖逆

父子兄弟無失而交友無絕也

父子兄弟俱無過失
朋友亦無棄絕矣

孔子見齊景公公說焉請置粟丘之邑以爲養孔子
辭而不受入謂弟子曰吾聞君子當功受賞今吾言
於齊君君未之行而賜吾邑其不知丘甚矣於是遂
行

孔子在齊舍於外館景公造焉賓主之辭既接而左
右白曰周使適至言先王廟災景公復問災何王之
廟也孔子曰此必釐王之廟公曰何以知之孔子曰
詩云皇皇上天其命不忒天之以善必報其德

此逸詩也

皇皇光義也或差也禍亦如之夫釐王變文武之制而作玄黃

華麗之飾宮室崇峻輿馬奢侈而弗可振振救也故天

殃所宜加其廟焉以是占之為然公曰天何不殃其

身而加罰其廟也孔子曰盖以文武故也若殃其身

則文武之嗣無乃殄乎故當殃其廟以彰其過俄頃

左右報曰所災者釐王之廟也景公驚起再拜曰善

哉聖人之智過人遠矣

子夏三年之喪畢見於孔子孔子與之琴使之絃侃

侃也和而樂作而曰先王制禮不敢不及子夏盖自知其哀之已盡

也子曰君子也閔子三年之喪畢見於孔子孔子與

之琴使之絃切切急迫而而悲而曰先王制禮弗敢

過也閔子自知其子曰君子也子貢曰閔子哀未盡

夫子曰君子也子夏哀已盡又曰君子也二者殊情

而俱曰君子賜也惑敢問之孔子曰閔子哀未忘能

斷之以禮子夏哀已盡能引之及禮雖均之君子不

亦可乎

孔子曰無體之禮敬也無服之喪哀也無聲之樂歡

也不言而信不動而威不施而仁志夫句鐘之音怒

而擊之則武憂而擊之則悲其志變者聲亦隨之故

志誠感之通於金石而况人乎

孔子見羅雀者所得皆黃口小雀夫子問之曰大雀
獨不可得何也羅者曰大雀善驚而難得黃口貪食
而易得黃口從大雀則不得大雀從黃口亦可得孔
子顧謂弟子曰善驚以遠害利食而忘患自其心矣
而以所從為禍福故君子慎所從以長者之慮則有
全身之階隨小人之戇則有危亡之敗也

孔子讀易至於損益

二卦名

喟然而嘆子夏避席問曰

夫子何嘆焉孔子曰夫自損者必自益自益者必有

以決之

易卦之序損次得益益次得夫夫者決也損而不已必益故受之以益益而不已必決故

受之

吾是以歎也子夏曰然則學者不可以益乎子

以決

曰非句道益之謂也

所以自損者求益其道也

道彌益而身彌損

德愈盛而心愈下也

夫學者損其自多

不自有也

以虛受人

虛如虛心之虛

易咸象辭

故能成其滿

受人益

博哉天道成而必變

成謂成物成而

必變未嘗得久

亢持滿而能久者未嘗有也

持滿者不能虛受天下之善何

以能久

故曰自賢者天下之善言不得聞於耳矣昔堯

居天下之位猶允恭以持之克讓以接下

書帝堯允恭克讓允

信也克能也

是以千歲而益盛迄今而愈彰

也至

夏桀昆

吾

昆吾國名助桀為虐

自滿而無極亢意而不節斬刈黎民如

草芥焉天下討之如誅匹夫

湯放桀併誅昆吾

是以千載而

惡著迄今而不成滿也是非損益之徵與日中則昃

月盈則食天地盈虛與時消息

上四句見易豐彖傳

是以聖人

不敢當盛如行則讓長不疾先如在輿而遇三人則

下之遇二人則式之

式車前可憑也

調其盈虛不令自滿所

以能久也子夏曰商請志之而終身奉行焉

子路問於孔子曰請釋古之道而行由之意可乎子

曰不可昔東夷之子慕諸夏之禮有女而寡為內私

壻終身不嫁不嫁則不嫁矣亦非清節之義也蒼梧

嬈娶妻而美讓與其兄讓則讓矣然非禮之讓也不

慎其初而悔其後嗟何及矣

言事至而後悔吁嗟又何及矣

今女欲

舍古之道行子之意庸知子意不以是為非以非為

是乎後雖欲悔之難哉

曾子耘瓜誤斬其根曾皙怒建

疑作捷舉也○渠馬切

大杖以

擊其背曾子仆地而不知人久之有頃乃甦欣然而起進於曾皙曰嚮也參得罪於大人大人用力教參得無疾乎退而就房援琴而歌令曾皙聞之知其體康也孔子聞之而怒告門弟子曰參來勿內曾參自以爲無罪使人請於孔子子曰女不聞乎昔瞽叟有子曰舜舜之事瞽叟欲使之未嘗不在於側索而殺之未嘗可得小捶則待過大杖則逃走故瞽叟不犯不父之罪而舜不失蒸蒸之孝今參事父委身以待

暴怒殪殪什也。而不避既已身死而陷父於不義

其不孝孰大焉女非天子之民耶殺天子之民其罪

奚若曾參聞之曰參罪大矣遂造孔子而謝過

荊公子介子也年十五而攝相事孔子聞之曰使人往

觀其為政焉使者反曰視其朝清淨而少事其堂上

有五老焉其堂下有二十壯士焉孔子曰合二十五

人之智以治天下其固免矣况荆乎言不及於失也又說苑介子推

二云廊下有二十五俊士堂上有二十五老人仲尼曰合兩二十五人之智云云况荆乎

子夏問於孔子曰顏回之為人奚若子曰回之信賢

於丘曰子貢之為人奚若子曰賜之敏賢於丘曰子

路之為人奚若子曰由之勇賢於丘曰子張之為人

奚若子曰師之莊賢於丘子夏避席而問曰然則四子

何為事先生子曰居吾語女夫回能信而不能反不言

必信惟義所在也賜能敏而不能訕言人雖敏辨亦宜有屈折時也由能勇

而不能怯師能莊而不能同言雖矜莊亦宜有和同時也無四子

者之有以易吾弗與也說苑無此四子者立不為也此其所以事

吾而弗貳也

孔子遊於泰山見榮聲期聲宜為答或曰榮益居也行乎郕之野

鹿裘素琴瑟而歌新序作鼓琴而歌孔子問曰先生所以為

樂者何也期對曰吾樂甚多而至者三天生萬物唯

人爲貴吾既得爲人是一樂也男女之別男尊女卑
故人以男爲貴吾既得爲男是二樂也人生有不見
日月不免襁褓者吾既以行年九五矣是三樂也
貧者士之常死者人之終處常得得宜終當何憂哉
孔子曰善哉能自寬者也

孔子曰回有君子之道四焉強於行義弱於受諫怵
於待祿怵怵惕也待宜爲得慎於治身史鮪有君子之道三焉

不仕而敬上不祀而敬鬼直己而曲於人曾子侍曰
參昔嘗聞夫子之三言而未之能行也夫子見人之
一善而忘其百非是夫子之易事也見人之有善若

已有之是夫子之不爭也聞善必躬行之然後導與

同之是夫子之能勞也學夫子之三言而未能行是

以自知終不及二子者也二子顏回史鰌也

孔子曰吾死之後則商也日益賜也日損曾子曰何

謂也子曰商也好與賢己者處子夏好與勝己之人相處賜也悅

不若己者處子貢好與不如己者相處不知其子視其父不知其

人視其友不知其君視其所使不知其地視其草木

皆以彼知此也孟子觀遠臣以其所主觀近臣以其所為主意同故曰與善人居如

入芝蘭之室久而不聞其香即與之化矣久後不聞其香氣與

芝蘭居化矣與不善人居如入鮑魚之肆鮑魚鱸魚也

而不聞其臭亦與之化矣

久後不知其臭氣也

丹之所

藏者赤漆之所藏者黑是以君子必慎其所與處者

焉

曾子從孔子於齊齊景公以下卿之禮聘曾子曾子

固辭將行晏子

齊大夫名嬰

送之曰吾聞之君子遺人以

財不若善言今夫蘭之本

本謂根也

三年湛

投物水中曰湛○直禁切

之以漉醕

○澄酒曰漉以酒漱口曰醕
○漉盧谷切醕羊進切

既成數之則易

以匹馬非蘭之本性也所以湛者美矣願子詳審其

所湛者夫君子居必擇處遊必擇方仕必擇君擇君

所以求仕擇方所以脩道遷風移俗者嗜慾移性可

不慎乎孔子聞之曰晏子之言君子哉依賢者固不困依有者固不窮馬玄百足蟲○胡田切斬足而復行何也以其輔之者衆也

孔子曰以富貴而下人何人不尊以富貴而愛人何人不親發言不達可謂知言矣言而衆嚮之可謂知時矣是故以富而能富人者欲貧不可得也以貴而能貴人者欲賤不可得也以達而能達人者欲窮不可得也

孔子曰中入之情也有餘則侈不足則儉無禁則淫無度則逸逸放從用切○是欲則敗故鞭朴之子不從

父之教刑戮之民不從君之令此言疾之難忍急之難行也故君不急斷不急制使飲食有量衣服有節宮室有度畜積有數車器有限所防亂之原也夫度量不可不明是中所由之令令教也

孔子曰巧而好度必攻

攻攻致也

勇而好問必勝智而好

謀必成以愚者反之是以非其人告之弗聽非其地

樹之弗生得其人如聚砂而雨之

言易入也

非其人如會

顴而鼓之夫處重擅龐

龐充實也

一作擅龐

專事妬賢愚者之

情也位高則危任重則崩可立而待也

孔子曰舟非水不行水入舟則沒君非民不治民犯

上則傾是故君子不可不嚴也小人不可不整一也

齊高庭問於孔子曰庭不曠山不植地

曠隔也植根也庭自謂不

以山為隔不以地為者而自遠來也

衣襁而提贄

襁草衣也提持也贄所執以為禮也精

精宜為精

氣以問事君子之道願夫子告之孔子曰貞以

幹之

貞正也易曰敬以輔之施仁無倦見君子則舉貞固以幹事

之見小人則退之去女惡心而忠與之效也

勉其行脩

其禮千里之外親如兄弟行不效禮不脩則對門不

女通矣夫終日言不遺己之憂終日行不遺己之患

唯智者能之故自脩者必恐懼以除患恭儉以避難

者也終身為善一言則敗之可不慎乎

辯物第十六

季桓子穿井獲如土缶其中有羊焉使使問於孔子
曰吾穿井於費而井中得一狗何也孔子曰丘之所
聞者羊也丘聞之木石之恠夔蜩蚷水之恠龍罔象
土之恠羆羊也

大首曰羆

吳伐越墮會稽

吳王夫差敗越王勾踐棲于會稽吳又墮之會稽山也墮毀也○墮乎回

切獲巨骨一節專車焉吳子使來聘於魯且問之孔

子命使者曰無以吾命也賓既將事乃發幣於大夫

及孔子

賜大夫幣及於孔子

孔子爵之

飲之酒也

既徹俎而燕

燕息也○

伊旬切

客執骨而問曰敢問骨何如為大孔子曰丘聞

昔禹致群臣於會稽之山防風氏後至禹殺而戮之

其骨專車焉此為大矣客曰敢問誰守神言何以為所守之神

猶勾龍氏列山氏孔子曰山川之靈足以紀綱天下

者其守為神社稷之守為公侯如封五鎮以東鎮山為社稷之神之類

川之祀為諸侯言所守之皆屬於王加封五嶽以東嶽為齊天王之

類客曰防風氏何守孔子曰汪芒氏之君守封嵎者

也汪芒國名為漆說苑作釐姓在虞夏為防風氏商為汪

芒氏於周為長翟氏翟一作瞿今日曰大人周之初典孔子

○按後第二十四篇孔子答康子五帝之問曰五行佐成上帝以大皞之屬配之而亦從帝號之論參看

其義較明蓋天地以五行成萬物必有以尸之故生而有功德於民者沒而祀之以主時事亦從其號而

曰帝也正與客曰人長之極幾何孔子曰樵僂氏長

三尺短之至也長者不過十數之極也昔邵子有元會運世之說

而以寅為物開戌為物閉與佛氏增劫減劫之論相似其論亦以人之長短為言所以與聖人之以理言

數異者蓋彼專以氣之消長言數故也

孔子在陳陳惠公賓之上館哀公六年吳伐陳楚救陳蔡之間使人聘

孔子至陳時有隼鳥集於陳侯之庭而死隼鳥

也方集楛矢貫之石罍楛木名罍箭鏃其長尺有咫

庭而死惠公使人持隼如孔子館而問焉孔子曰隼之

來遠矣此肅慎氏之矢也肅慎氏北夷也昔武王克商通道於

九夷百蠻九夷東方九種百蠻南北百種使各以其方賄產財來貢

而無忘職業於是肅慎氏貢楛矢石砮其長尺有咫

先王欲昭其令德之致遠物也以示後人使永鑒焉

故銘其楛箭羽曰肅慎氏貢楛矢以分大姬配胡公

而封諸陳大姬武王女古者分同姓以珍玉所以展

親親也分異姓以遠方之職貢所以無忘服也天子服

之事故分陳以肅慎氏貢焉君若使有司求諸故府

其可得也公使人求得之金鎖一作如之如孔

郊徒監切子朝魯魯昭公十七年魯人問曰魯人叔孫

少昊氏以鳥名官何也少昊姓己名摯黃帝子玄囂

脩大昊法對曰吾祖也我知之郊子言少昊氏我之

官之故昔黃帝以雲紀官故為雲師而雲名按左史黃

軒轅氏代神農氏王天下以有雲瑞故以雲紀官春

官青雲氏夏官縉雲氏秋官白雲氏冬官黑雲氏中

黃氏炎帝以火炎帝姓姜氏代共工氏王天下以有

為熟火秋官為西火冬共工以水共工名康回以諸

官為北火中官為中火農前大昊後自謂水德故以水紀官春官為東水夏

官為南水秋官為西水冬官為北水中官為中水

太昊以龍太昊伏羲氏以水德繼天而故為風姓有

云伏羲以龍馬負圖出河之瑞故以龍紀官春官為

青龍夏官為赤龍秋官為白龍冬官為黑龍中官為

黃龍又命朱襄為飛龍氏造書契吳英為潛龍氏造

甲曆大庭為居龍氏治屋廬混沌為降龍氏驅民害

陰康為土龍氏繁滋草木疏流泉其義一也我高祖少昊

為水龍氏繁滋草木疏流泉其義一也我高祖少昊

摯也之立也鳳鳥適至是以紀之於鳥故為鳥師而

鳥名

鳳鳥氏歷正也。歷曆同。鳳知天時，有道則見，故

以春分來，秋分去，故司二分。○伯趙氏司至者也。故

趙伯勞也。夏至鳴，冬至止，故司二至。○青鳥氏司啓

者也。青鳥，鷦鷯也。鷦鷯同，一作鷽。鷽，立春鳴，立夏止，故

司啓。○丹鳥氏司閉者也。丹鳥，鷽也。以立秋來，立冬去，故

冠。背毛黃，腹下赤，項纓色鮮明，以立秋來，立冬去，故

司閉。○已上四鳥氏皆歷正之屬官。○祝鳩氏司徒

也。祝鳩，雉也。鷽鳩，孝故為司徒。主教官民。○雉鳩氏

司馬也。雉鳩，王雉也。鷽而有別，故為司馬。主兵行列

○雉鳩氏司空也。雉鳩，布穀也。飼子均平，故為司空。

平水。○爽鳩氏司寇也。爽鳩，鷹也。鷹善搏擊，故為

司寇。主刑擊盜賊。○鷽鳩氏司事也。鷽鳩，鷽也。鷽

冬去，終歲不息，故為司事。主營事。○已上五鳩氏鳩

民者也。鳩聚也。言聚民而治之也。○五雉氏為五工

正東方曰鷽，雉西方曰鷽，雉南方曰鷽，雉洛南曰鷽，

翟雉攻金之工也。鷽雉設色之工也。鷽雉攻木之工也。

翟雉攻皮之工也。鷽雉攻水之工也。鷽雉攻火之工也。

也。○五雉者，利器用，正度量，夷民者也。夷，平也。○九

扈氏為九農正。秦扈，鷽鷽趣民耕者也。夏扈，鷽鷽趣

民芸者也秋毫竊藍趣民收斂者也冬毫竊黃趣民

蓋藏者也棘毫竊丹為巢驅鳥者也桑毫竊脂為蠶

驅雀者也○竊淺也以鳥之色言○行毫啗啗為民

趣民收麥者也○嗜噴鶚以鳥之聲言應正也九毫

老正氏使無淫放者也○趣千木切難丈凡切色侯

古自顓頊以來不能紀遠乃紀於近為民師而命以

民事顓頊黃帝孫以國高陽故曰高陽氏代少昊以

四子重為木正曰句芒該為金正曰蓐收脩熙相代

為水正曰玄冥又以共工之子句龍為土正黎為火

正曰祝融國語所謂命火則不能故也其不能紀遠

遠也故也孔子聞之時二遂見鄭子而學焉既而告人曰

吾聞之天子失官學在四夷猶信鄭小國也故吳伐

國不振旅蠻夷入伐吾亡無日矣孔子稱官學在四

夷疾時之廢學也鄭少昊之後以其世則遠矣以其

國則小矣魯周公之後以其世則近矣以其國則大矣然其知禮不若邾子故孔子發此言疾時之不學也

邾隱公朝於魯子貢觀焉

子貢時為魯大夫

邾子執王高其

容仰定公受王卑其容俯

王所以聘子貢

曰以禮觀二

君者將有死三焉夫禮生死存亡之體將左右周旋

進退俯仰於是乎取之朝祀喪戎於是乎觀之今正

月相朝

歲首二君相朝

而皆不度

不合禮度

心已亡矣嘉事不體

朝聘為嘉事不體不得其正也

何以能久高仰驕也卑俯替也驕近

亂替近疾君為主其先亡乎夏五月公薨

定公先亡如子貢言

又邾子出奔

哀公七年魯伐邾執隱公八年歸孔子之後吳又討之奔齊如子貢之言孔子

曰賜不幸而言中是賜多言

孔子在陳陳侯就之燕遊焉行路之人云魯司鐸災

司鐸官名

及宗廟以告孔子子曰所及者其桓僖之廟陳

侯曰何以知之子曰禮祖有功而宗有德故不毀其廟焉今桓僖之親盡矣又功德不足以存其廟而不毀是以天災加之三日魯使至問焉則桓僖也陳侯謂子貢曰吾乃今知聖人之可貴對曰君今知之可矣未若專其道而行其化之善也

陽虎既奔齊自齊奔晉適趙氏孔子聞之謂子路曰趙氏其世有亂乎子路曰權本不在焉豈能爲亂孔

子曰非女所知夫陽虎親富而不親仁有寵於季孫
又將殺之不克而奔求容於齊齊人囚之乃亡歸晉
是齊魯二國已去其疾趙簡子好利而多信必溺其
說而從其謀禍敗所終非一世可知也

季康子問於孔子曰今周十二月夏之十月而猶有

蚤何也孔子對曰丘聞之火伏而後蟄者畢火大火星也

蟄也今火猶西流司歷歷曆也過也季康子曰所失者

幾月孔子曰於夏十月火既沒矣今火見再失閏也

吳王夫差將與哀公見晉侯吳子魯哀公十三年與晉定公會於黃池子

服景伯對使者曰王子天合諸侯則伯帥侯牧以見於

王

伯王官伯也侯牧方伯也王官帥方伯以見天子尊天子也

伯合諸侯

伯方則伯也則

侯帥子男以見於伯今諸侯會

時吳為方伯而召會諸侯

而君與

寡君見晉成為伯矣

謂待晉以諸侯伯長之禮也

且執事以伯召

諸侯而以侯終之

吳以魯君見晉君則從諸侯之制而非伯長之禮矣

何利之

有焉

謂自貶也

吳人乃止既而悔之遂囚景伯景伯謂太

宰嚭曰魯將以十月上辛有事於上帝先王

吳人信鬼故托

祭祀

季辛而畢

有事祭所以欺吳也

何也

何景伯名

世有職焉

助祭之職

自襄以來

魯襄公以來

未之改也若其不會

會則祝宗

祝太

宗將曰吳實然

謂告神以吳所囚

嚭言於夫差歸之子貢聞

之見於孔子曰子服氏之子拙於說矣以實獲囚以

詐得免孔子曰吳子為夷德可欺而不可以實是聽者之蔽非說者之拙也

叔孫氏之宰士曰子鉏商

子姓士持車者

采薪於大野

大野今高平鉅野縣東北大澤在魯西

獲麟焉

按春秋經魯哀公十四年春西狩獲麟傳曰西

狩大野今此日采薪大野若車士子鉏商非狩者采薪而獲麟也麟瑞物鬻身牛尾狼額馬蹄有五采腹

下黃高丈二一角而戴肉設武備而不為害含仁懷義音中鐘呂行步中規折旋中矩遊必擇主翔必有

處不履生蟲不踐生草不羣不旅不入陷穿不入羅網文章斌斌

折其前左足載以

歸叔孫以為不祥棄之郭外

左傳以賜虞人棄之使郭外將以賜虞人也

人告孔子曰有麇而角者何也

麇麇也

○孔子往觀

之曰麟也胡為來哉胡為來哉反袂拭面涕泣沾衿

叔孫聞之然後取之子貢問曰夫子何泣爾孔子曰

麟之至為明王也出非其時而見害吾是以傷哉麟者

聖人之瑞夫子傷焉蓋自感也公羊傳穎死子曰

噫天喪予子路死子曰噫天祝予西狩獲麟子曰吾

道窮矣天告夫子將死之徵故云爾孔子曰天子布

德將致太平則麟鳳龜龍先為之祥今宗周將滅天

下無主孰為來哉遂泣曰予之於人猶麟之於獸也

麟出而死吾道窮矣乃歌曰唐虞世兮麟鳳遊今非

其時來何求麟兮麟兮我心憂

哀公問政第十七

哀公問政於孔子孔子對曰文武之政布在方策

也受策竹書載古聖王之多政矣曰文

武者蓋自其近稱之亦憲章之意也其人存則其

政舉言文武有則舉其人亡則其政息文武既沒則

其政而行之

天道敏生

生物之速無動植言

地道敏樹

言敏生則樹在其中矣而又云爾者植物

記於地也

人道敏政夫政也者蒲廬也

蒲廬陸佃作米羸沈括作蒲葦自敏

樹言之蒲葦為是譬之敏生則果羸亦通埤雅果羸連泥作房如併竹管取桑蟲負之七日而化為子其

祝聲可聽法言曰祝之日類我蓋其音云也一之蒲廬○果古火切羸郎果切待化以成在

化民民化則政成矣故為政在於得人取人以身脩道以仁即

道也而脩道以仁者道體甚大在人心之親切老惟仁耳能仁則進求道矣仁者人也親

親為大仁之用莫義者宜也尊賢為大義之用莫親

親之教教說尊賢之等禮所生也孟子親親仁也尊

斯二者禮者政之本也為政以禮是以君子不可以

不脩身為政在人取思脩身不可以不事親脩道以

思事親不可以不知人

必欲盡親親之仁

思知人不可

以不知天

親親尊賢皆天理也

天下之達道有五其所以行之

者三曰君臣也

有君臣義

父子也

有父子親

夫婦也

有夫婦別

兄弟

也

兄弟朋友有朋友信

五者天下之達道

上文五者天

下古今所共

由之智仁勇

體此所以知此仁所以強此也

三者天下之達德

三者天下古今所共

三者天下古今

所以行之者一也

一者誠也

或生而知之

生知者

或學而知之

學而知者

或困而知之

困而知者及

其知之一也

合三者而言皆知者

或安而行之

安行者

也

利而行之

或勉強而行之

勉強行者

功一也

合三行而言皆仁者

公曰子之言義矣至矣

至矣

寡人實固不足以成之也孔子曰好學近乎智力行
近乎仁知恥近乎勇知斯三者則知所以脩身知所
以脩身則知所以治人知所以治人則能成天下國
家矣公曰政其盡此而已乎孔子曰凡為天下國家
有九經曰脩身也尊賢也親親也敬大臣也體羣臣
也子一作重庶民也來百工也柔遠人也懷諸侯也夫
脩身則道立尊賢則不惑親親則諸父昆弟不怨敬
大臣則不眩體羣臣則士之報禮重子庶民則百姓
勸來百工則財用足柔遠人則四方歸之懷諸侯則
天下畏之公曰為之柰何孔子曰齊明盛服非禮不

動所以脩身也去讒遠色賤財而貴德所以尊賢也

爵其能重其祿同其好惡所以篤親親也官盛任使

所以勸大臣也盛其官屬足任使令忠信重祿所以勸士也忠信

者與之時使薄歛所以子百姓也日省月考既稟稱

事既稟稍事也謂食多寡稱其事也所以來百工也送往迎來嘉善

而矜不能所以綏遠人也繼絕世舉廢邦治亂持危

朝聘以時厚往而薄來所以懷諸侯也治天下國家

有九經其所以行之者一也凡事豫則立不豫則廢

言前定則不跲躓也事前定則不困行前定則不疚道

前定則不窮在下位不獲于上民弗可得而治矣獲

于上有道不信於友不獲於上矣信於友有道不順
乎親不信乎友矣順乎親有道反身不誠不順乎
親矣誠身有道不明乎善不誠乎身矣誠者天之道
也誠之者人之道也夫誠者不思而得不勉而中從
容中道聖人之所以定體也一作體定誠之者擇善而固
執之者也公曰子之教寡人備矣敢問行之所始孔
子曰立愛自親始教民睦也立敬自長始教民順也
教之慈睦而民貴有親教以敬而民貴用命既孝於親
又順以聽命措諸天下無所不可公曰寡人既得聞
此言也懼不能果行而獲罪咎

宰我問於孔子曰吾聞鬼神之名而不知所謂敢問

焉孔子曰人生有氣有魂氣與魂非二也充於四肢

也有魄魄精氣之寓於形者也氣魂魄會謂之生氣聚則魂魄相交而生

氣者神之盛也合氣與神魄者鬼之盛也合氣與鬼夫生

必有死死必歸土此謂鬼魂氣歸天此謂神合鬼與

神而享之教之至也合鬼與神而事之者孝道骨肉

弊弊與斃同于下化為野土其氣發揚于上者此神之著

也聖人因物之精制為之極極中也制明命鬼神以

為民之則顯然稱為鬼神使而猶以是為未足也故

築為宮室設為宗祧宗宗廟也祧遠廟也天子特春

有二祧諸侯謂始祖為祧也

秋祭祀以別親疎教民反古復始不敢忘其所由生

也衆人服從服自此聽且速焉聽之速也又教以二端二端

既立報以二禮二端謂氣與魄也建設朝音招事謂初薦腥

時事燔燎羶鄉謂取脾音難以蕭蒿焚之使羶鄉上騰也脾音律音聊腸間脂也鄉音

香所以報氣也薦黍稷謂饋熟時則黍肺肝謂進其

肺肝心首之饌加以鬱鬯鬱香草鬯王曰樽也所以報魄也此教民脩

本反始崇愛上下用情禮之至也民能不忘其所由生然後能相愛也

上下謂尊卑君子反古復始吾之所謂古祖也吾所用情謂親也君子反古復始自為始稱也尊祖親稱

所以為反不忘所由生是以致其敬發其情竭力從

事不敢不自盡也此之謂大教昔者文王之祭也事

死如事生思死而不欲生欲猶得也忌日則必哀稱諱則

如見親祀之忠也盡心祀事思之深如見親之所愛祭欲

見親顏色者其唯文王乎詩云明發不寐有懷二人

則文王之謂與此小死之辭也倣此詩以喻文王明發自夜至啓明時二人謂父母也

祭之明日明發不寐有懷二人敬而致之敬記又從

而思之祭之日樂與哀半饗之必樂樂其來已至必哀

哀其終往○以祭之明日二十一字在孝子之情也

文王爲能得之矣

孔聖家語卷之四

孔聖家語卷之五

武林後學吳嘉謨集校

顏回第十八

魯定公問顏回曰子亦聞東野畢之善御乎

東野民名畢莊

子作稷御又作馭使馬也

對曰善則善矣雖然其馬將必佚

佚與逸同

定公色不悅謂左右君子固有誣人也顏回退後三

日牧來訴之曰東野畢之馬佚兩驂曳兩服入于廐

驂馬在外服馬在中曳謂曳足而行不任重也易曰其于馬也為曳○音武結切

公聞之越

席而起促駕召顏回回至公曰前日寡人問吾子以東野畢之善御而子曰善則善矣其馬將佚不識吾

子奚以知之顏回對曰以政知之昔者帝舜巧於使

民造父巧於使馬造父周穆王時人以善御幸於王得八駿馬遊行天下舜不

窮其民力造父不窮其馬力是以舜無佚民造父無

佚馬今東野畢之御也升馬執轡銜體正矣轡也體馬體也言馬正當車也步驟馳騁朝禮畢矣謂集其馬步驟

盡朝走之禮也歷險致遠馬力盡矣然而猶乃策馬不已臣

以此知之公曰善哉若吾子之言也吾子之言其義

大矣願少進乎顏回曰臣聞之鳥窮則啄獸窮則攫

攫撲取也本從人言說苑作觸是也人窮則詐馬窮則佚自古及今未

有窮其下而能無危者也公說遂以告孔子孔子對

曰夫其所以爲顏回者此之類也豈足多哉

孔子在衛昧旦

也

早

晨興顏回侍側聞哭者之聲甚哀

子曰回也知此何所哭乎對曰回以此哭聲非但爲死者而已又有生離別者也子曰何以知之對曰回聞桓山之鳥生四子焉羽翼既成將分於四海其母悲鳴而送之哀聲有似於此謂其往而不返也回竊以音類而知之孔子使人問哭者果曰父死家貧賣子以葬與之長決子曰回也善於識音矣

顏回問於孔子曰成人之行若何子曰達于情性之理通于物類之變知幽明之故覩游氣之原若此可

謂成人矣既能成人而又加之以仁義禮樂成人之行也若乃窮神知化德之盛也

顏回問於孔子曰臧文仲武仲孰賢孔子曰武仲賢

哉顏回曰武仲世稱聖人而身不免於罪是智不足

稱也

武仲為季氏廢適立庶為孟氏所讒出奔于齊

好言兵計而挫銳於邾

是智不足名也

武仲與邾戰而敗績國人頌之曰我君小子侏儒是使侏儒使我敗

於鄆計一作討

夫文仲身雖歿而言不朽惡有未賢

立言故

賢以為

孔子曰身歿立言所以為文仲也然有不仁者

三不智者三則不及武仲也回曰可得聞乎孔子

曰下展禽

展禽柳下惠也下謂知其賢而使在下位也

置六關

六開開名魯本無開

文仲置之以稅行者妻織蒲傳曰織蒲蒲席也言文仲為國世家在於貪利三不仁設

虛器

蔡天子之守龜非文仲所宜居故曰虛器縱逞祀夏父弗忌為宗伯躋僖公於閔公之

上文仲縗而不禁也祀海鳥海鳥曰爰居止于魯東門之三不

智武仲在齊齊將有禍不受其田以避其難難一作亂是

智之難也

武仲奔齊齊莊公與之田武仲知其將有難辭而不受也

夫臧武仲之

智而不容於魯抑有由焉作而不順施而不怨也夫

不順不怨謂欲以廢適立庶施於季氏也

夏書曰念茲在茲順事恕施

顏回問君子孔子曰愛近仁

博愛於人則近於仁也

度近智度量

其事而後行則近於智也

為己不重

無私

為人

不輕

君子也

夫回曰敢問其次子曰弗學而行弗思而得

質義而末學也

小子勉之勉謂學也

顏回問小人孔子曰毀人之善以為辯不惟能愛也不狡訐

懷詐以為智不惟能度也幸人之有過不惟不重已也恥人之

學而羞人之不能不惟不能厚於待人也小人也

顏回謂子路曰力猛於德而得其死者鮮矣盡慎焉

孔子謂顏回曰人莫不知此道之義而莫之術術猶行也

莫之為也何居為聞道者盡日思也夫

顏回問於孔子曰小人之言有同乎君子者不可不

察也孔子曰君子以行言小人以舌言故君子於為

義之上上與尚同相疾也退而相愛急令為義是以相疾而其情實相親小

人於為亂之上相愛也退而相惡

樂並為亂是以相愛而情實不相親

顏回問朋友之際

交也

如何孔子曰君子之於朋友也

心必有非焉而弗能謂

不忠告也

吾不知其仁人也不忘

久德不忘久怨仁矣夫仲孫何忌問於顏回曰仁者

一言而必有益於仁智可得聞乎回曰一言而有益

於智莫如豫一言而有益於仁莫如恕夫知其所不

可由斯知其所由矣

叔孫武叔見未仕

仕疑作侍

於顏回回曰賓之武叔多稱

人之過而已評論之顏回曰固子之來辱也宜有得

於回焉吾聞諸孔子曰言人之惡非所以美己言人

之枉非所以正己故君子攻其惡無攻人之惡

顏回謂子貢曰吾聞諸夫子身不用禮而望禮於人身不用德而望德於人亂也夫子之言不可不思也

子路初見第十九

子路初見孔子子曰女何好樂

魚教切

對曰好長劒孔

子曰吾非此之問也徒謂以子之所能而加之以學

問豈可及乎子路曰學豈有益也哉

說苑作學亦有益乎

孔子

曰夫人君而無諫臣則失正士而無教友則失聽御

狂馬不釋策

御狂馬者不舍轡策然後可控制也

操弓不反檠

檠與驚同所以

正弓也弓不反檠然後可折折屈曲也○檠渠京切木受繩則直人受諫則聖

受學重問孰不順成成其問毀仁作仁惡士必近於

刑謗毀仁者憎惡士人必主於刑也君子不可不學子路曰南山有

竹不揉自直斬而用之達于犀革以此言之何學之

有孔子曰枯而羽之鏃而礪之括箭筈用所以錫之鏃箭刃礪所以利之

○月時振切其入之不亦深乎此學之益也子路再拜曰敬受

教

子路將行辭於孔子子曰贈女以車贈女以言乎子

路曰請以言孔子曰不強不達強毅也達道遠也不勞無功

不忠無親忠我盡心于人不信無復近義之信不恭

失禮禮以敬為主慎此五者而已子路曰田請終身奉之

敢問親交取親若何言寡可行若何長為善事而無
犯若何孔子曰女所問也在五者中矣親交取親其
忠也言寡可行其信也長為善士士且作事而無犯其禮
也

孔子為魯司寇見季康子康子不說康子當為桓子孔子又

見之宰予進曰昔予也嘗聞諸夫子曰王公不我聘

則弗動夫子之於司寇也日少言居位不久也而屈節數矣

屈節謂數見季孫也不可以已乎孔子曰然魯國以衆相陵以

兵相暴之日久矣而有司不治則將亂也其聘我者

孰大於是哉

言聘我使在官其為治豈復有大于此者也

魯人聞之曰

聖人將治何不先自遠於刑罰自此之後國無爭者

孔子謂宰予曰違山十里蟪蛄之聲猶在於耳故政

事莫如應之

蟪蛄蟬屬始蟪也去山十里猶聞其聲以其鳴之不巳也言政事須慎聽之然

後行之也聽字疑闕誤大抵使聞而改之之意

孔子兄子有孔蔑者與宓子賤皆仕孔子往過孔蔑

而問之曰自女之仕何得何三對曰未有所得而所

亡者三王事若龍

龍宜為龍言前後相因也

學焉得習

不暇學也

是學

不得明也俸祿少饘粥不及親戚是骨肉益疎也公

事多急不得弔死問疾是朋友之道闕也所三者三

即謂此也孔子不說往過子賤問如孔蔑對曰自來

仕無所亡有所得者三始誦之今得而行之是學益明也俸祿所共被及親戚是骨肉益親也雖有公事而無以弔死問疾是朋友篤也孔子喟然謂子賤曰君子哉若人指子賤也魯無君子者則子賤焉取此明魯多賢見子賤之能取友以成此德也

孔子侍坐於哀公賜之桃與黍焉哀公曰請食孔子先食黍而後食桃左右皆掩口而笑公曰黍者所以雪桃雪拭也非為食之也孔子對曰丘知之矣然黍者五穀之長郊宗廟以為上盛在器曰盛果屬有六而桃為下祭祀不用不登郊廟丘聞之君子以賤雪貴

未聞以貴雪賤今以五穀之長雪果之下者是從上
雪下臣以為妨於教害於義故不敢公曰善哉

子貢曰陳靈公宣嬬於朝

靈公與卿孔寧儀行父共
通大夫御叔之妻夏姬

泄冶正諫而殺之是與比干諫而死同可謂仁乎孔
子曰比干於紂親則諸父官則少師忠報之心在於
宗廟而已固必以死爭之冀身死之後紂將悔悟其
本志情在於仁者也泄冶之於靈公位在大夫無骨
肉之親懷寵不去仕於亂朝以區區之一身欲正一
國之媢昏死而無益可謂捐捐委棄也詩云民之多僻無
自立辟也此大雅板之辭辟邪也辟法其泄冶之謂乎

孔子相魯齊人患其將霸齊人恐魯國成霸者之道欲敗其政乃

選好女子八十人乃選美女衣以文飭而舞容璣衣

綉之衣舞容或之曲及文馬四十駟駟四馬也以遺魯君陳女樂列

文馬于魯城南高門外陳列所貢之物于魯城南門外季桓子微服

往觀之再三將受焉告魯君為周道游觀觀之為周

路並行之名因出觀齊之女樂終日怠於政事子路言於孔子曰夫

子可以行矣孔子曰魯今且郊若致膳肉大夫若猶

分於大夫是則未廢其常則是常禮猶不失吾猶可以止也在我未可

也桓子既受女樂君臣淫荒三日不聽國政郊又

不致膳俎俎半肉在且上禮孔子遂行宿於郭屯地名

在魯師已魯大夫名送曰夫子非罪也孔子曰吾歌可乎

歌曰彼婦人之口可以出走彼婦人之謁陰晦也○於益切

可以死敗言婦人之柔暗其言足以使人死敗出走也優哉優哉聊以卒

歲言士之不遇聊優優以終歲也

澹臺子羽有君子之容而行不勝其貌宰我有文雅

之辭而智不充其辯孔子曰里語云相馬以輿相士

以居言必考其實也弗可廢矣以容取人則失之子羽以言

取人則失之宰予言一作辭

孔子曰君子以其所不能畏人小人以其所不能不

信人故君子長人之才小人抑人而取勝焉

孔蔑問行己之道

問修身行己之道也

子曰知而弗為莫如弗

知

既知而不知

知而不

親而弗信

莫如勿親

既親於人又

不知

勿與相親

樂之方至樂而弗驕

喜之方來

可乘而驕

不

患之將至思

而弗憂

患難方來當思而不當憂

孔蔑曰行己乎

行己之道如

子

曰攻其所不能

言已有不能當攻治之

備其所不足

已有不足常備至之

毋以其所不能疑人

勿以我不能疑人之能

毋以其所能驕人

勿以己能而驕人之不能

終日言無遺己之憂

言無口過故不至有憂

終日

行不遺己之患

行無怨惡故不至於有患也

惟智者能之

惟明哲人能

此如

在厄第二十

楚昭王聘孔子孔子往拜禮焉

夫子往楚國拜昭王之禮命

路出

於陳蔡

行路出於陳蔡之間

陳蔡大夫相與謀曰

陳蔡二國之臣相共謀議

曰

孔子聖賢

夫子乃聖賢人也

其所刺譏皆中諸侯之疾其諷

諫皆切中

諸侯之失若用於楚則陳蔡危矣遂使徒兵距孔子

不得行

乃用其徒舉兵遮孔子路不得行

絕糧七日

孔子不食外無

所通

外無間道可通

藜羹不充

藜羹亦不從者皆病

隨從之

人飢餓

而孔子愈慷慨

講誦絃歌不衰

孔子知弟子有愠色益自慷慨講誦絃歌

不少息

乃召子路而問焉曰匪兕匪虎率彼曠野詩

雅何草不黃之辭率循也言匪

吾道非乎奚為至於

虎兕何為使循曠野而不安也

此乎子路作色而對曰君子無所困

何所窮困意者

夫子未仁與

乃夫子未能盡於仁乎

人之弗吾信也

故人不信也

者夫子未智與

又乃夫子未能盡智乎

人之弗吾行也

故人不使通行

而窮困如此也

且由也昔者聞諸夫子曰為善者天報之以

福

人能作善則天以福報之為不善者天報之以禍

為不善則天以禍報之

今夫子積德懷義

今夫子外積於德內懷為義

行之久矣

行之於已亦已

奚居之窮也

何為窮若此

子曰由未之識也

子謂仲由爾未知此

吾語汝汝以仁者為必信也

汝言仁者必取信於人乎則伯

夷叔齊不餓死首陽

則夷齊仁者也必不當餓死

汝以智者為必

用也

汝言智者必見用於人

則王子比干不見剖心

則比干不當為紂所

殺

汝以忠者為必報也

汝言忠臣必得君之報乎

則關龍逢不見

刑則龍逢亦不汝以諫者為必聽也汝言諫臣必則

伍子胥不見殺則子胥不當見夫遇不遇者時也有時

遇與不賢不肖者才也才者賢不君子博學深謀而

不遇時者衆矣世之賢才多何獨丘哉豈獨我且

芝蘭生於幽林夫芝蘭之草生於深谷林之中不以無人而不芳豈

無人往來而君子修道立德君子將明其德不為窮困

而改節豈以一時之窮困為之者人也作為生死者

命也有死生是以晉重耳之有霸心生於曹衛重耳晉

公子時出越王句踐之有霸心生於會稽越王之有

會稽故居下而無憂者則思不遠在下位而無患難

己處身而常逸者則志不廣處身而務逸則其志小庸知其終

始乎庸用也汝何用知其終始子路出召子貢告如

子路子貢曰夫子之道至大故天下莫能容是以天

客夫子盍少貶焉夫子何損抑子曰賜良農能稼不必

能穡種曰稼歛曰穡良農能種稼良工能巧不能為

順良工能巧不能順君子能修其道綱而紀之君子

明其道有綱而有紀也不必其能容未必其人今不修其道而

求其容今乃不修其道賜爾志不廣矣思不遠矣子

貢出顏回入問亦如之顏回曰夫子之道至大天下

莫能容雖然夫子推而行之世不我用有國者之醜

也夫子何病焉不容然後見君子

世不能容乃見君子道大孔子

欣然嘆曰

夫子聞顏回言而樂然嘆曰

有是我

誠有知此也

顏氏之子

使爾多財吾為爾宰

宰主財者為之主財志意同也

孔子厄於陳蔡從者七日不食子貢以所齎貨竊犯

圍而出告糴於野人得米一石焉顏回仲由炊之於

壞屋之下有埃墨墮飯中顏回取而食之子貢自井

望見之不說以為竊食也入問孔子曰仁人廉士窮

改節乎孔子曰改節即何取於仁廉哉子貢曰若回

也其不改節乎子曰然子貢以所飯告孔子子曰吾

信回之為仁久矣雖女有云弗以疑也其或者必有

故乎女止吾將問之召顏回曰疇昔予夢見先人豈
或啓祐我哉子炊而進飯吾將進也祭也馬對曰向有埃
墨墮飯中欲置之則不潔棄之則可惜回即食之不
可祭也孔子曰然乎吾亦食之顏回出孔子謂二三
子曰吾之信回非待今日也二三子由此乃服之
子路問於孔子曰君子亦有憂乎子曰無也君子之
修行也其未得之也則樂其意既得之又樂其治治易
也有終身之樂無一日之憂故君子常樂而不憂小人則不然
小人是其未得也患弗得之既得之又恐失之是以有
終身之憂無一日之樂也故小人常憂而不樂

曾子敝衣而耕於魯

曾子衣敝衣而耕於魯之野

魯君聞之而致

邑焉固辭不受曰

曾子堅辭不肯受乃曰

吾聞受人施者常畏

人

我聞受人之與者常畏怯之

與人者常驕人

有物與人者見縱其人常驕怠之

君有賜不我驕也

雖使魯君有賜而不驕忽于我

吾豈能勿畏乎

豈不孔子聞之曰參之言足以全其節也

入官第二十一

子張問入官於孔子

入官謂當官治民之職

子曰安身取譽為

難

子言居官身安得其善譽者難也

子張曰為之如何子曰已有善

勿專

言有善不專為己有教不能勿怠

教民未能勿倦怠

已過勿發

有失無所

失言勿倚

人有失言勿倚角之也

不善勿遂

已有不善不可

遂行也行事勿留宜行之事不可留滯君子入官具此六者居官能行

此六則身安譽至而政從矣且夫忿數者獄之所由

生也忿怒不常則事多抑枉距諫者忠之所以塞也

不聽入諫則忠慢易者禮之所以失也輕忽於事則失其禮急

情者時之所以後也不勤於事則失其時奢侈者財之所以不

足也不能節用則財不足也專獨者事之所以不成也自專而不任人

則事不成也君子入官除此六者入居官又能去此六者則身安譽

至而政從矣故君子南向臨官自此以下言民大域

之中而公治之大域猶事戰也精智而略行之思之極其精行之務其略

合是忠信考是大倫在是美惡在察也進是利而除是

害無求其報焉而民之情可得也夫臨之無抗民之

志

治民而無抗易

勝之無犯民之言

以慎勝民而言

量之無佞民之辭

庸人之敏者曰佞度

量而施之養

之無擾於其時愛之無寬於刑法

惜其力而不困

此則身安譽至而民德也

德一作得德感也得服

子以臨官

自此以下言民

所見於通故明不可蔽

察

也所求於通故不勞而得也

道在所以治者約故不

用衆而譽立

所守者約則

允法象在內故法不遠而

源泉不竭

有本

是以天下積而本不寡

積謂事之所

餘之有

長短得其量人志治而不亂政德貫乎心藏乎

志形乎色發乎聲若此而身安譽至而民咸自治矣

自治謂化行則不止民德美是故臨官不治此以下本諸身而言之則亂亂

生則爭之者至爭之至又於亂又甚也小亂則爭明爭甚則大亂至矣

君必寬宥以容其民慈愛以優柔之而民自得矣行者

政之始行為政始言民從行而行胡孟切說者情之導也說言

以達其情善政行易而民不怨政易民說言調說和則民

不變言達其情故法在身則民象之身為度而後民則之明在

已則民顯之已無私蔽而後民無道情若乃供已而不節財則財

利之生者微矣惟供已欲而不知節生財之道微矣貪以不得則善政

必簡矣役志於利而惟恐不苟以亂之苟苟則善言得則不暇於備政矣

必不聽也詳以納之則規諫日至言之善者在所日

聞行之善者在所能為故君上者民之儀也儀法式也君為

民之法也有司執政者民之表也臣為民倡邇臣便辟者

羣僕之倫也近臣者衆僕之紀也故儀不正則民失君儀不正則百姓皆

失表不端則百姓亂臣表不直則邇臣便辟則羣臣

汙矣言近臣不可不慎狎則是以人君不可不敬乎

三倫三倫儀表紀也君子修身反道察理言而服也行之則身

安譽至終始在焉故夫女子必自擇絲麻良工必自

擇完材賢君必自擇左右勞於取人佚一作勤於治事

君子欲譽則必謹其左右申言譽至之道為上者辟如緣木

焉務高而畏下滋甚

也

蓋

六馬之乖離必於四達之

交衢

多故也

萬民之叛道必於君上之失政

則事多岐矣

上

者尊嚴而危民者卑賤而神愛之則存惡之則亡

有君

愛惡之心感於民則民應之神而位之存亡以之故謂之神

長民者必明此之要故

南面臨官貴而不驕富而能供

供宜為共古恭字也

有本而能

圖末脩事而能建業久居而不滯情近而暢乎遠察

一物而貫乎多治一物而萬物不能亂者以身本者

也

申言身安之道

君子涖民不可以不知民之性而達諸民

之情既知其性又習其情然後民乃從命矣故世

世

作

德舉則民親之政均則民無怨故君子涖民不臨以

高不抗也不導以遠不責民之所不為不強民之所不

能以明王之功功之大不因其情則民嚴而不迎立

功而不因民之情則民將畏而不奉上矣篤之以累年之業業之久不因

其力則民引而不從引弦也弓強而彌張也立

民將弘強而不從其教也○弘胡脉切若責民所不為強民所不能則

民疾疾則僻矣民疾其心即古者聖王上古聖德之

冕而前旒所以蔽明也所以蔽其紘統充耳所以掩

聰也充實也紘纓從下而水至清則無魚人至察則

無徒人太明察則枉而直之使自得之優而柔之使

自求之寬和待民揆之度之使自索之揆度其法以

自索求之也

民有小罪必求其善以赦其過

當求其善處以赦宥之

民有大罪必原其故以仁輔化

當推原其所以犯覆以仁道輔助而化之

如有死罪其使之生則善也

若死罪而求生之則仁至而善盡

故德

者政之始也政不和則民不從其教矣不從教則不

習不習則不可得而使也君子欲言之見信也莫善

乎先虛其內

虛內則情順萬民而無情故民說而信之

欲政之速行也莫

善乎以身先之欲民之速服也莫善乎以道御之故

雖服必強

言民雖服而必威強之則非忠信之服也

自非忠信則無可以

取親於百姓者矣內外不相應

言不則無以取信於乎也

庶民者矣此治民之至道矣

此乃治民至極之道居始無以加於此者矣

官之大統矣

居官之大統亦無以加於此者矣

子張既聞孔子斯言

遂退而記之

困誓第二十二

子貢問於孔子曰賜倦於學困於道矣

賜也怠於問學倦於行道

願息而事君可乎

願少休息出仕於君何如也

孔子曰詩云溫恭

朝夕執事有恪

詩商頌邦之辭也恪敬也

之事君之難也焉可以息

哉

安得休息

曰然則賜願息而事親

又言願休息所以事父母

孔子

曰詩云孝子不匱永錫爾類

詩大雅既醉之辭類善也

事親

之難也焉可以息哉

安得休息其學而願事親哉蓋不學而事親則必不能事親矣

曰然則賜願息於妻子孔子曰詩云刑于寡妻至于

兄弟以御于家邦詩大雅思齊之辭也刑法也寡適也一日寡有之賢妻也御正也

妻子之難也焉可以息哉曰然則賜願息於朋友孔

子曰詩云朋友攸攝攝以威儀亦大雅既醉之辭也言朋友相攝佐者皆

有威儀也朋友之難也焉可以息哉曰然則賜願息於耕

矣孔子曰詩云晝爾于茅宵爾索綯亟其乘屋其始

播百穀詩幽風七月之辭也于往也綯絞索也亟急同乘屋升治屋也言當及時蓋藏以來歲將

復始播穀有不暇也耕之難也焉可以息哉曰然則賜將無所

息者也孔子曰有焉自望其廣則畢廣宜為墳畢列子作

宰高貌墳也視其高則填如也填塞也言冢高而塞實也察其從則

隔如也言其隔異不此其所以息也已子貢曰大哉

乎死也君子息焉小人休焉大哉乎死也

孔子自衛將入晉至河聞趙簡子

名鞅殺竇犢犢名字

犢除留切

鳴犢及舜華

一作慶華

乃臨河而歎曰美哉水洋洋

乎丘之不濟此命也夫

按孔子去衛入晉事大畧與史記同而劉向說苑載簡子

聘孔子而將殺之之語似子貢趨而進曰敢問何謂非無為姑記之以備參考

也孔子曰竇犢鳴犢舜華晉之賢大夫也趙簡子未

得志之時須此二人而後從政及其已得志也而殺

之丘聞之剗胎殺夭則麒麟不至其郊竭澤而漁則

蛟龍不處其淵覆巢破卵則鳳凰不翔其邑何則君

子違

違去也或作諱

傷其類者也鳥獸之於不義尚知避之

况於人乎遂還息於陳

陳河之東北隅也一陳下有鄉字非魯之鄉邑也

作

樂操以哀之

技樂操琴曲名史記作陳操其詞曰周道衰微禮樂陵遲文武既醉卒也○

我將焉師周游天下靡邦可依鳳鳥不識珍寶巢鷗者焉顧之慘焉心悲升車命駕將適晉都黃河洋洋悠悠之魚臨津不濟還轅自陳傷予道窮哀彼無辜翔翔于衛復我舊廬從吾所好其樂只且

子路問孔子曰有人於此夙興夜寐耕耘樹藝手足

胼胝以養其親而名不稱孝何也孔子曰意者身不

敬與辭不順與色不說與古人有言曰人與己與不

女欺

言人與己事實相通不相欺也

今盡力養親而無三者之闕何

謂無孝之名乎由女志之吾語女雖有國士之力而

不能自舉其身非力之少勢不可矣夫內行不修身

之罪也行修而名不彰友之罪也行修而名自立故

君子入則篤行出則交賢何為無孝名乎

孔子遭厄於陳蔡之間絕糧七日弟子餒病孔子絃

歌夫子絃琴而歌子路入見曰夫子之歌禮乎夫子之所歌合禮者乎

孔子弗應曲終而曰琴罷乃曰由來吾語汝由來我與爾言焉君

子好樂為無驕也小人好樂為無懾也懼也其誰之子

不我知而從我者乎猶言以誰氏之子謂子路也雖從我而不能知我也子路

說援戚戚斧也而舞三終而出明日免於厄一作使子貢至楚昭

王興師迎孔子乃得免子貢執轡曰二三子從夫子而遭此難

也其弗忘矣孔子曰善惡何矣惡何猶言其何也夫陳蔡之

間丘之幸也二三子從丘者皆幸也吾聞之君上不
困不成王烈士不困行不彰庸知其非激憤厲志之
始於是乎在

孔子之宋匡人簡子以甲士圍之匡人有簡子以甲兵阻路子路

怒奮戟將與之戰子路發怒持劍戟孔子止之曰惡

有修仁義而不免世俗之惡者乎夫詩書之不講禮

樂之不習是丘之過也若以述先王好古法而為咎

者如述先王通古人法而見則非丘之罪也命之歌

使子路歌予和汝子路彈琴而歌孔子和之子路乃操琴

是也曲三終三曲終匡人解甲而罷匡人遂孔子曰不

觀高崖何以知顛墜之患不臨深淵何以知沒溺之患不觀巨海何以知風波之患失之者其不在此乎

人之失身豈不在此三患乎

士能慎此三者則無累於身矣

言士能戒

此三者之失也則亦不失於顛墜亦不失於沒溺亦不失於風波何者而能累其身哉言此以警二三子及子路也

子貢問於孔子曰賜既為人下矣而未知為人下之道敢問之子曰為人下者其猶土乎

掘與同

扣之深則

出泉汨渥

汨四伏涌出貌渥泥濡滯貌

樹其壤則百穀滋焉草木

殖焉禽獸育焉生則出焉死則入焉多其功而無其

意

代有功而無專成地道也恆其志而無不容

含弘光大

為人下

者以此也

言當如地道也

孔子適鄭與弟子相失獨立東郭門外或人

史作鄭人姑布

子卿也

謂子貢曰東門外有一人焉其長九尺有六寸

河目隆額其頭似堯其頸

史記作頤

似臯陶其肩似子產

然自腰以下不及禹者三寸儼然

懶懈貌一曰病敗也

如喪家

之狗

喪家狗主人哀荒不見飯食故儼然有不得意之貌

韓詩外傳曰喪家之狗既斂而搏布席而祭顧望無人故儼然也

子貢以聞孔子欣

然而歎曰形狀末也如喪家之狗然乎哉然乎哉

孔子適衛路出於蒲會公叔氏以蒲叛衛而止之

史記

作蒲人止孔子

孔子弟子有公良儒者為人賢長有勇力以

私車五乘從夫子行喟然曰昔吾從夫子遇難於匡

伐樹於宋孔子與弟子行禮大樹下今史今下遇困

於此命也夫與其見夫子仍遇於難寧我鬪死挺劍

而合眾將與之戰蒲人懼史記懼下謂曰苟無適衛

吾則出子以盟孔子而出之東門孔子遂適衛子貢

曰盟可負乎孔子曰要我以盟非義也衛侯靈公聞孔

子來喜而郊迎之問伐蒲對曰可哉公曰吾大夫以

為蒲者衛之所以待晉楚也無乃不可乎孔子曰其

男子有死之志公叔氏欲以蒲適他國故男子欲死

之志句蓋婦人恐懼吾之所伐者不過四五人矣本

公叔同叛者言其易伐也公曰善卒不果伐史善下有然字為他

日靈公又與夫子語見飛鴈過而仰視之色不說言猶

不孔子乃逝行也

衛蘧伯玉賢而靈公不用彌子瑕不肖反任之史魚

驟諫而不從史魚病將卒命其子曰吾在衛朝不能

進蘧伯玉退彌子瑕是吾為臣不能正其君也生而

不能正其君則死無以成禮我死汝置屍牖下於我

畢矣其子從之靈公吊焉其子以其父言告公公愕

然失容曰是寡人之過也於是命之殯於客位公乃命殯

於西進蘧伯玉而用之退彌子瑕而遠之孔子聞之

曰古之列諫者死則已矣未有如史魚死而屍諫忠
感其君者也可不謂直乎

五帝德第二十三

宰我問於孔子曰昔者吾聞諸榮伊曰黃帝三百季
請問黃帝者廼人也抑非人也何以能至三百季乎
孔子曰禹湯文武周公不可勝觀也而上世黃帝之
問將謂先生難言之故乎言禹湯文武已下不可勝
觀乃問上世黃帝將謂先
生長老難之宰我曰上世之傳隱微之說卒采之辯
故問之乎
卒終也采事也閤忽之意閤忽謂久非君子之道者
終其事之說也
總上四句而言則予之問也固矣固陋不孔子曰可也吾略
得其問

聞其說黃帝少昊之子史曰少昊之子少典諸侯國

之子曰軒轅生而神靈弱而能言生七旬曰弱未當能

也哲齊莊敦敏誠信又有此八長聰明聰明及長則治

五氣理五行設五量五量權衡升斛撫萬民度四方

而安撫之服牛乘馬擾馴猛獸以與炎帝戰于阪泉

之野與神農氏相三戰而後克之三戰方得始垂衣

裳乃服上作爲黼黻白與黑相次曰黼若斧文黑與

命風后力牧常先大鴻以治民風后為相力牧為將

相也常先大鴻事未聞今雍以順天地之紀知幽明

之故達死生存亡之說播時百穀嘗味草木嘗草木

仁厚及於鳥獸昆蟲考日月星辰考驗天文度數勞耳目勤

心力勞於視聽勤於心力用水火財物以生萬民民賴其利百

年而死民畏其神百年而亡民用其教百年而移故

曰黃帝三百年

宰我曰請問帝顓頊孔子曰五帝用說三王用度帝五

久遠故用說三王近則有法度女欲一日徧聞遠古之說躁哉予也

宰我曰昔予也聞諸夫子曰小子毋或宿故敢問所有

當問即問勿更宿也孔子曰顓頊黃帝之孫昌意之子曰高陽

靜淵而有謀深沉有才謀䟽通以智通達有知慮養財財或作材以

任地生養則任土地之宜履時以象天順履四時法象天上依鬼神而制

義

明鬼神以義制之

治氣性以教衆

謂和其氣性以教百姓

潔誠以祭

祀

齋潔誠心以祀神祇

巡四海以寧民

巡行四海以安百姓

北至幽都

南暨交趾西抵流沙東極蟠木動靜之生小大之物

日月所照莫不底屬

莫不化也

宰我曰請問帝嚳孔子曰玄枵之孫喬極之子曰高

辛生而神異自言其名博施厚利不於其身

普施利物不私

己聽以知遠

聰聽足以知遠

明以察微

明視足以察微

仁而威惠而

信以順天地之義

以順天地尊卑之義

知民所急

知百姓之所急修身

而天下服

自修其身而天下咸服從之

取地之財而節用焉

取土地所

生之財節儉而用之

撫教萬民而誨利之歷日月之生朔而迎送

之

歷曆同行次也作曆以明弦望晦朔日月未至而迎之已過而送之明鬼神之義而

敬事之其色也和其德也重其動也時其服也衷春

夏秋冬有護天下日月所照風雨所至莫不從化

宰我曰請問帝堯孔子曰高辛之子曰陶唐其仁如

天其知如神就之如日望之如雲富而不驕貴而能

降伯夷典禮夔龍典樂舜時而仕超視四時務先民

流四凶而天下服

四凶共工驩兜三苗鯀

其言不忒其德不回

四海之內舟車所及莫不夷悅

宰我曰請問帝舜孔子曰喬牛之孫瞽瞍之子曰有

虞孝友聞於四方陶漁

陶河濱漁雷澤

事親寬裕而溫良敦

敏而知時敦厚敏疾也畏天而愛民敬畏上天愛養子民恤遠而親

近承受大命依于二女睿明智通為天下帝命二十

二臣詳見舜典率堯舊職恭己而已天平地成巡狩四海

五載一始三十年在位嗣帝五十載陟方岳死于蒼

梧之野而葬焉

宰我曰請問禹孔子曰高陽之孫鯀之子曰夏后敏

給克齊其德不爽其仁可親其言可信聲為律身為

度豐皐皐穆穆為紀為綱其功為百神之主禹治水天下既平然

後百神得其所其惠為民父母左準繩右規矩履四時據四

海任臯陶伯益以贊其治興六師以征不庭四極之

民莫敢不服孔子曰予大者如天小者如言民說至

矣大者如天以下疑應前五予也非其人也言不足

帝之德也宰我曰予也不足以敬承矣他日宰我以語子

貢子貢以復孔子子曰吾欲以言狀取人也則於滅

明改之矣吾欲以言辭取人也則於宰我改之矣吾

欲以容貌取人也則於子張改之矣宰我聞之懼弗

敢見焉



孔聖家語卷之五

孔聖家語卷之六

武林後學吳嘉謨集校

五帝第二十四

季康子問於孔子曰舊聞五帝之名而不知其實請

問何謂五帝孔子曰昔丘也聞諸老聃曰天有五行

水火金木土分時化育以成萬物

一歲三百六十日五行每行主七十

二月化生長育一歲之功萬物莫不受成

其神謂之五帝

五帝五行之神佐生物者而藏

緯皆為之名字亦妄矣

古之王者易代而改號取法五行五行

更王終始相生亦象其義

法五行終始相生以木德王天下其次以所生之行

轉相承而鄭說乃謂五精也

故其生為明王者死而配

五行是以太皞配木炎帝配火黃帝配土少皞配金
顓頊配水康子曰太皞其始之木何如孔子曰五行
用事先起於木木東方萬物之初皆出焉是故王者
則之而首以木德王天下其次則以所生之行轉相
承也木生火火生土土之屬康子曰吾聞勾芒為木正祝融為火
正蓐收為金正玄冥為水正后土為土正此五行之
主而不亂稱曰帝者何也孔子曰凡五正者五行之
官名五行佐成上帝而稱五帝太皞之屬配焉亦云
帝從其號屬類也舉太皞以該五帝也天地以五行
成萬物必有以尸之故生而有功德於民
者歿而祀之以主時事昔少皞氏之子有四叔曰重
亦從其號而曰帝也

曰該曰脩曰熙實能金木及水使重為勾芒該為蓐

收脩及熙為玄冥顓頊氏之子曰黎為祝融共工氏

之子曰句龍為后土此五者各以其所能業為官職

各以一行之官生為上公死為貴神別稱五祀不得

為職業之事同帝五祀上公之神耳故不得稱帝蓋五正不及五

帝五帝不及天地也不識者以祭社為祭地失之遠矣且土與火水俱為五行是地康子曰如此之

之子也以子為母失尊卑之序矣言帝王改號於五行之德各有所統則其所以相變

者皆主也何事在木家而尚孔子曰所尚則各從其

所王之德次焉木次火而木家尚赤者以木夏后氏

以金德王色尚黑金之次水大事斂用昏大事喪也

戎事藥驪

驪馬色黑

牲用玄殷人用水德王色尚白

水之次木

宜尚青而尚白避土之尚青也蓋土者王於四季五行用事先起於木故尚青

大事歛用日

中

日中色白

戎事藥翰

日馬

牲用白周人以木德王色尚

赤

木之次火色赤

大事歛用日出

日出時其色赤

戎事藥驪

驪馬白腹為驪

駢驪同紫馬也

牲用駢

駢色赤

此三代之所以不同康子曰唐

虞二帝所尚者何色孔子曰堯以火德王色尚黃

次土尚黃

舜以土德王色尚青

土之次金宜尚白而土王於四季五行用事先起於

木故尚青

康子曰陶唐有虞夏后殷周獨不配五帝意者

德不及上古耶將有限乎孔子曰古之平治水土及

播殖百穀者衆矣唯勾龍氏無

無猶配也

食於社而棄為

繆神易代奉之無敢益者明不可與等故自太皞以降逮于顓頊其應五行而王數非徒五而配五帝是其德不可以多也多猶加也

執轡第二十五

閔子騫為費宰問政於孔子子曰以德以法夫德法者御民之具猶御馬之有銜勒也君者人也吏者轡也馬韉也也刑者策也夫人君之政執其轡策而已子騫

曰敢問古之為政孔子曰古者天子以內史為左右

手

按內史掌王之八柄以詔王治及敘事之法受納訪以詔王聽治凡命諸侯及孤卿大夫則策命之

凡四方之事書則讀之王制祿則贊為之以方出之贊辭也方版也○賞賜亦如之故王以為左右手

也 以德法爲銜勒以百官爲轡以刑罰爲策以萬民
爲馬故銜天下數百年而不失善御馬者正銜勒齊
轡策均馬力和馬心故口無聲而馬應轡策不舉而
極千里善御民者壹其法壹專也正其百官以均齊民
力和安民心故令不再而民順從刑不用而天下治
是以天地德之天地以爲有德而兆民懷之懷歸也夫天地之
所德兆民之所懷其政美其民而衆稱之今人言五
帝三王者其盛無偶威察其威與明察常若存其故何也
其法盛盛疑作順其德厚故思其德必稱其人朝夕祝之
升聞於天上帝俱歆好也美也用永厥世而豐其年不能

御民者棄其德法專用刑辟譬猶御馬棄其銜勒而
專用箠策其不制也可必矣夫無銜勒而用箠策馬
必傷車必敗無德法而用刑辟民必流國必亡治國
而無德法則民無脩也民無脩則迷惑失道如此上
帝必以爲亂天道也苟亂天道則刑罰暴上下相誅
諂也莫知念忠上俱無道故也今人言惡者必比之於
桀紂其故何也其法不聽易曰順以聽也其德不厚故民惡
其殘虐莫不吁嗟朝夕祝之升聞于天上帝不蠲潔也
也降之旤罰災害竝生用殄厥世故曰德法者御民
之本古之御天下者以六官總治焉冢宰之官以成

道

冢宰太宰之職天官卿也掌邦治統百官均四海是所以成道也

司徒之官以成

德

徒眾也以主民衆地官卿也掌邦教敷五典擾兆民是所以成德也

宗伯之官以成

仁

春於時為首春官卿也掌邦禮治神人和上下是所以成仁也

司馬之官以成聖

丘事莫重於馬夏官卿也掌邦治統六師平邦國而日以成聖者聖功於是成也聖通征伐所以通天下

司寇之官以成義

羣行攻劫曰寇主寇賊法禁秋官卿也掌邦禁詰姦慝刑暴亂而曰

成義者義主於斷故也

司空之官以成禮

主國之空土冬官卿也掌邦土居四民時

地利而曰以成禮者司空事官也禮非事不立故曰所以成禮

六官在手以為轡有

六轡以喻六官詩曰執轡如組兩驂如舞言動於近而行於遠以喻治也

司會均仁以為

納納軛同驂馬內轡以繫軛前者司會掌邦之六典八法之貳以周知四方之治冢宰之副也故不在

六轡止故曰御四馬者執六轡御天下者正六官是當軌位

故善御馬者正身以總轡均馬力齊馬心回旋曲折

唯其所之故可以取取音從長道赴急疾此聖人所以

御天地與人事之法則也天子以內史為左右手以

六官為轡已與三公為執六官均五教齊五法仁義禮智

信之法也故亦唯其所引無不如志以之道則國治冢宰治官

以之德則國安司徒成德以之仁則國和宗伯掌禮

以之聖則國平司馬掌兵以之禮則國定司空掌

物有制故以之義則國乂司寇掌法禁刑此御政之

術也過失人情莫不有焉過而改之是為不過故官

屬不理分職不明法政不一百事失紀曰亂亂則飭

冢宰

勑謂整攝之也

地利不殖財物不蕃萬民饑寒教訓不

行風俗淫僻人民流散曰危危則飭司徒父子不親

長幼失序君臣上下乖離異志曰不和不和則飭宗

伯賢能而失官爵功勞而失賞祿

司勲之職屬之司馬

士卒疾

怨兵弱不用曰不平不平則飭司馬刑罰暴亂姦邪

不勝曰不義不義則飭司寇度量不審舉事失理都

鄙不脩財物失所曰貧貧則飭司空故御者同是車

馬或以取千里或不及數百里以其所謂

謂作爲

進退

緩急異也夫治者同是官法或以致平或以致亂者

亦以其所爲進退緩急異也古者天子常以季冬考

德正法以觀治亂德盛者治也德薄者亂也故天子

考德則天下之治亂可坐廟堂之上而知之夫德盛

則法脩德不盛則飭法興政成德而不衰咸皆也衰咸殺也左

傳皆有等義是也謂法與政皆合於德而後不咸殺之也○殺所賣切故曰王者又以

孟春論吏之德及功能德法者為有德能行德法

者為有行丁孟切能成德法者為有功能治德法者為

有智故天子論吏而德法行事治而成功夫季冬正

法孟春論吏治國之要

子夏問於孔子曰商聞易之生人及萬物鳥獸昆蟲

各有奇耦氣分不同易主天地以生萬物物之而元受氣各有分數不齊同也

入莫知其情唯達德者能原其本焉天一地二人三

三三為九九九八十一一主日日數十故人十月而

生日從一而生陽數奇也其數至十而終自甲至癸兩其五行也八九七十二偶以

從奇奇主辰辰為月月主馬故馬十二月而生也二偶

從奇奇主辰辰者時也陽生於子自子至亥為十二當月之數七九六十三三主斗

斗主狗故狗三月而生斗魁衡杓也魁斗首四星衡斗第五星杓斗柄也○杓卑

切六九五十四四主時時主豕故豕四月而生四時

秋五九四十五五為音音主猿故猿五月而生五音

角徵四九三十六六主律律主鹿故鹿六月而生律陰

羽陽各六黃鐘太簇姑洗蕤賓夷則無射太呂夾鐘仲呂林鐘南呂應鐘也三九二十七

主星星主虎故虎七月而生星二十八宿經四方方

二九一十八八主風風主蟲故蟲八月而生風主八

庶清明景涼閭闔不周其餘各從其類矣鳥魚生於

陰而屬於陽故皆卵生魚遊於水鳥遊於雲故立冬

則鷩雀入海化為蛤蠶食而不飲蟬飲而不食蜉蝣

不飲不食萬物之所以不同介鱗夏食而冬蟄介甲

齧吞者八竅而卵生禽鳥之屬齧齧者九竅而胎生

人獸四足者無羽翼戴角者無上齒無角無前齒者

膏無角無後齒者脂淮南取此義曰無角者膏而無

脂羊屬無前後皆晝生者類父夜生者似母是以至

謂其銳小者也

陰主牝至陽主牡敢問其然乎孔子曰然吾昔聞老

聃亦如女之言子夏曰商聞山書曰地東西為緯南

北為經橫曰緯直曰經山為積德川為積刑山專生育川時漂蕩高者

為生下者為死高受陽下伏陰丘陵為牡谿谷為牝丘陵形谿谷

形蚌蛤龜珠與月為盛虛盛一作盈盈虛謂肉之消長從陰之精也是故

堅土之人剛強稟之土為堅弱土之人柔輕稟之土為脆

也糾切墟土之人大墳衍曰墟沙土之人細勃興起貌壤柔

也息土之人美埴壙之土為息埴也坵土之人醜坵與

鹹鴻曰坵一曰食水者善遊而耐寒食土者無心而

不息不喘也食木者多力而不治氣血不理淮南子曰

之意食艸者善走而愚食桑者有緒而蛾食肉者勇毅
而悍食氣者神明而壽食穀者知慧而巧不食者不
死而神故曰羽虫三百有六十而鳳為之長毛虫三
百有六十而麟為之長甲虫三百有六十而龜為之
長鱗虫三百有六十而龍為之長裸虫三百有六十
而人為之長按羽屬麟玄離宮火屬鳳萬火之禽毛乳宮金屬麟玄羽之獸甲一作介水居陸生坎
宮水屬龜玄溟之使鱗震宮木屬龍角亢之精裸中
宮土屬乾之策二百一十有六坤之策百四十有四
凡三百六十當暮之日天地之數不遇乎此故五方
之物其數亦如之至於人者萬物之靈故其身之骨
節氣思運動屈伸皆與天地之數相准而方圓四肢
五藏九竅亦與天地四時五行九解相准則不但長
保虫此乾川古坤字象之義也殊形異類之數王者
而已六斷之形

動必以道動靜必以道靜必順理以奉天地之性而

不害其所主主一作生謂之仁聖焉子夏言終而出子貢

進曰商之論也何如孔子曰女謂何也對曰微則微

矣然非治世之待也待猶急也孔子曰然各其所能言固非治

世之急務然亦各言其所能知

本命解第二十六

魯哀公問於孔子曰人之命與性何謂也孔子對曰

分於道謂之命謂之大原出於天之所賦形於一

謂之性易曰成之者性也謂氣已形而理化於陰陽

象形而發謂之生精氣為物聚化窮數盡謂之死魂

為變散入故命者性之始也死者生之終也易曰原

無形故死故知死生之說性由命有始則必有終矣人始生而

而不具者五焉目無見不能食不能行不能言不能

化及生三月而微煦煦晴轉也王曰晴人也○煦子句切然後有見七

月一作八月而生齒然後能食暮而生臄臄膝也然後能

行三年顛合顛項門思晉切然後能言十有六精通然後能

化化也陰窮反陽故陰以陽變陽窮反陰故陽以陰

化是以男子八少陰月生齒八歲而齒此毀齒也二八而

化女子七少陽月而生齒七歲而齒二七而化一陰

一陽奇偶相配陰數偶陽數奇然後道合化成性命之端形

於此也公曰男子十六精通女子十四而化是則可
 以生民矣而禮男子三十而有室女子二十而有夫
 也豈不晚哉孔子曰夫禮言其極不是過也男子二
 十而冠有為人父之端女子十五許嫁有適人之道
 於此而往則自婚矣羣生閉藏乎陰以作而一為化育
 之始陰冬也萬物翕聚於冬所以為發育之始也故聖人因時以合偶男

女窮天數之極謂婚姻之時窮天數承上文極字而言蓋參兩者天地之數三十二十

而後合偶者窮天數之極也一說時即霜降而婦功下文季秋水泮之義承開藏於陰而言霜降而婦功

成嫁娶者行焉季秋霜降嫁娶者始於此時水泮而

農桑起婚禮而始殺於此泮解也正月農事起蠶者采桑婚禮始殺言猶未止

也至二月農事已起乃會男女之無夫家者奔者期

盡此月故也詩云士如歸妻迨冰未泮言如欲使妻

歸及冰未泮男子者任天道而長萬物者也乾知大始男乾

道也知可為知不可為知可言知不可言知可行知不

可行者是故審其倫而明其別謂之知所以效匹夫

之聽聽宜為德女子者順男子之教而長其理者也坤作

道也女坤是故無專制之義有三從之道幼從父兄既嫁

從夫夫死從子言無再醮之端飲無酬酢日醮禮女

之無再醮之端統教令不出於閨門禮女不事在共

言不改事人也言外也酒食而已易日無儀酒食是議言不越境而

奔喪事無擅為行無獨成行下參知而後動可驗而

後言晝不遊庭夜行以火所以效匹婦之德也孔子

遂言曰女有五不取達家子者謂其逆德亂家子者謂其亂倫

世有刑人子者謂其棄人也有惡疾子者謂其棄天也喪父長

子者謂其無受命也婦有七出三不去七出者不順父母者

謂其逆德也無子者謂其絕世也淫僻者謂其亂族也嫉妬者謂其亂家

也惡疾者此以取而後有疾者言謂其不可共祭多口舌者謂其離親竊盜

者謂其反義三不去者謂有所取無所歸也一與共更三年

之喪也二先貧賤後富貴也三凡此聖人順男女之際順慎

通際交際之道重婚姻之始也

孔子曰禮之所以象五行也有服之制其義四時也記

喪有四制變而後宜以順人情四制謂下之恩義節權故喪禮有舉焉有恩有

義有節有權其恩厚者其服重故為父母斬衰三年

以恩記曰恩者仁也制者也門內之治恩掩義父母之喪三年不從政

門外之治義掩恩掩記恩不敢私服資於事父以事君

而敬同貴貴尊尊義之大也故為君亦斬衰三年以

義記曰義者理也制者也三日而食三月而沐期而練冠也毀

不滅性不以死傷生喪不過三年齊衰不補墳墓不

脩除服之日記作大鼓素不漆也琴示民有終也凡此

以節記曰節者禮也制者也資於事父以事母而愛同天無

二日國無二君家無二尊以一治之故父在為母齊

衰替者見無二尊也疏曰齊衰之服期而除百官備

百物具不言而事行者扶而起此天子諸侯禮也言而後事

行者杖而起此卿大夫身自執事行者面垢而已此

人身自執事不可許病故有杖此以權記曰權制者

不用但使面有塵垢之容而已此以權者知也制者

也此百官以下論所以設杖之義蓋為有爵者扶親

始死三日不怠三月不懈替悲號記作三年憂哀記

恩之殺也聖人因殺以制節也此篇於本命無所屬錯簡疑在曲禮子貢

問章之列

論禮第二十七

孔子閒居子張子貢言游侍論及於禮孔子曰居女

三人者吾語以禮使女以禮周流無不徧也言無不

子貢越席而對曰敢問子曰敬而不中陟仲反禮謂

之野恭而不中禮謂之給給捷也勇而不中禮謂之逆

謂悖逆也子曰給奪慈仁似是而非聖人子貢曰敢問將

何以爲此中者也子曰禮乎夫禮所以制中也子貢

退言游進曰敢問禮也者領惡而全好者與領統理也子

曰然然則何如言游子曰郊社之禮所以仁鬼神也

禮之行以敬必有愛而無私之心有焉所以禘嘗之

禮所以仁昭穆也饋奠之禮所以仁死喪也饋奠禮喪祭也

射饗之禮所以仁鄉黨也

鄉射鄉飲行於鄉黨

食饗之禮所以

仁賓客也

燕會所以樂賓

明乎郊社之禮

禘嘗之義

治國其

如指諸掌而已是故以也

以用

之居家

同句下

有禮故長

幼辨以之閨門有禮故三族和

三族謂父子兄弟夫婦也

以之朝

廷有禮故官爵序以之田獵有禮故戎事閒

記天子教田獵

以習五教以戰法也間習熟也

以之軍旅有禮故武

功成是以宮室得其度鼎俎得其象

制器尚象

物得其時

物一樂得其節

樂而不淫

車得其式

車一器而衆工聚焉式法等威皆為禮也

鬼神得其饗喪紀得其哀辯說得其黨

黨類也

百官得

其體政事得其施

施當其可

加於身而措於前

措與凡衆錯同

之動得其宜也言游退子張進曰敢問禮何謂也子

曰禮者即事之治也

治理也

君子有其事必有其治治

國而無禮譬猶瞽之無相俵俵

俵俵無見貌又失道貌止良切

乎何

所之譬猶終夜有求於幽室之中非燭何以見故無

禮則手足無所措耳目無所加進退揖讓無所制是

故以之居處長幼失其別閨門三族失其和朝廷官

爵失其序田獵戎事失其策軍旅武功失其勢官室

失其度鼎俎失其象物

物一作味

失其時樂失其節車失

其式鬼神失其饗喪紀失其哀辯說失其黨百官失

其體政事失其施加於身而措於前凡衆之動失其

宜如此則無以祖洽四海祖始也率也洽合也言無

子曰慎聽之女三人者吾語女禮猶有九焉大饗有

四焉禮有九其四者待賓之禮其五者動靜之苟知

此知其理也矣雖在畎畝之中事事謂習之句聖人矣

言可以進於聖兩君相見揖讓而入門入門而縣興

縣樂器之縣於簋簠揖讓而升堂升堂而樂闋主獻

賓卒爵而樂下管象舞夏籥序興下管象舞之上缺

省文耳下管堂下以管吹象舞曲也象武舞也夏籥

以籥吹大夏曲也夏文舞也序興謂夏籥與象舞更

迭而作也陳其薦俎序其禮樂備其百官王曰此四

以饗禮之四一是賓卒爵而樂闋二是賓酢主卒爵

而樂又闋三是升歌清廟四是下管象舞陳其薦俎

以至百官總言饗如此而後君子知仁焉禮為天理

則知行中規也五旋中矩也六鑾和中采薺采薺路外樂

也鑾和之節○七客出以雍雍周頌樂曲徹以振羽畢禮

而微則歌振羽是故君子無物而不在於禮焉入門

而金作示情也金聲始終若一故示情觀此主賓獻

止言升歌升歌清廟示德也清廟所以頌下管象舞

示事也凡舞所是故古之君子不必親相與言也以

禮樂相示而已按疏曰示情者欲其相接示德者夫

禮者理也樂者節也無禮不動動而不亂無節不作作而不流

不能詩於禮謬其猶面牆行不能樂於禮素質朴於

德薄於禮虛

苟非其人禮不虛行欲其不亂不流其可得乎

子貢作函問曰

然則夔其窮與

窮不通也言變通於樂而不可不通於禮也

子曰古之人與

蓋許之也

上古之人達於禮而不達於樂謂之素達於樂

而不達於禮謂之偏

謂不能偏有所達也

夫夔達於樂而不達

於禮是以傳於此名也

典樂之名

古之人也

重言許之

凡制度

在禮文為在禮行之其在人乎三子者既得聞此論

也煥若發矇焉

子張問聖人之所以教孔子曰師乎吾語女聖人明

於禮樂舉而措之而已子張又問孔子曰師爾以為

必布几筵揖讓升降酌獻酬酢然後謂之禮乎爾以

必行綴朱劣切非執羽籥作鐘鼓然後謂之樂乎言而

可履禮也行而可樂樂也聖人力此二者以躬恭也

己南面是故天下太平萬民順伏百官承事上下有

禮也夫禮之所以興衆之所以治也禮之所以廢衆

之所以亂也目巧之室則有隩阼言目巧作室必有

陽之謂隩阼東階也席則有上下車則有左右行則有

竝隨立則有列序古之義也室而無隩阼則亂於堂

室矣席而無上下則亂於席次矣亂於席上之次第車而無

左右則亂於車上矣行而無竝隨則亂於階塗矣列

而無次序則亂於著矣著所立之位也門昔者明王

聖人辨貴賤長幼正男女內外序親疎遠近而莫敢相踰越者皆由此塗出也

孔聖家語卷之六

孔聖家語卷之七

武林後學吳嘉謨集校

觀鄉射第二十八

孔子觀於鄉射喟然嘆曰射之以禮樂郊特牲也何

以射謂何能容比於禮何以聽謂何能節於樂而又

難而美循聲而發發而不失正正諸鵠者其惟賢者

乎正鵠的苦夫不肖之人則將安能以求飲詩云發

彼有的以祈爾爵詩小雅賓之初筵之辭的實也祈

祈求也求中所以辭爵飲彼則已不飲酒者所以養

老所以養病也求中以辭爵辭其養也不敢當養是

故士使之射而弗能則辭以病縣弧之義也男子初生則縣

以疾而未能則猶存縣弧之義也縣弧之義也於是退而與門人

習射於矍相矍相地名○矍原之圃蓋合觀者如堵

墻焉言圍繞而觀射至於司馬鄉飲之禮將旅酬使

將射則轉正為司馬使子路執弓矢出列延射者曰延進也警

進其來觀欲奔軍之將奔一作貫與亡國之大夫亡國

亡其君與羊茹為人後者為人固有後而不得入乃入

之國也此耦以初在門外未入觀者既眾有賓主之禮故誓

惡者令不得入也奔軍亡國求為人後不忠不孝之

人惡之其餘皆入蓋去者半又使公罔之裘記有入

序點公罔姓裘名之揚觶而語王曰先行射鄉飲酒

語辭序姓點名禮主人揚觶訖疏亦

曰射畢則使主人之贊者二人舉觶於賓與大夫○

二說似於射義未協按儀禮司射請射賓子弟納射

器後有司馬延射升二人揚觶二儀節其公罔之裘

揚觶而語曰幼壯孝弟耆老好禮不從流俗脩身以

俟死者在此位蓋去者半記有處序點揚觶而語曰

好學不倦好禮不變耄期稱道而不亂者在此位射延

舉忠孝大端揚觶則愈密矣蓋僅有存焉射既闕子路進曰由與

二三子者之為司馬何如孔子曰能用命矣

孔子曰吾觀於鄉而知王道之易易也主人親速賓

及介速召也而衆賓從之至於正門之外主人拜賓及

賓升拜至獻酬辭讓之節繁及介升則省所景矣所介

以輔也至於衆賓升而受爵坐祭立飲不酢而降殺之

義辨矣酌賓曰獻答主人曰酢又答賓曰酬介工入

升歌三終主人獻之工入升堂歌鹿鳴四牡皇皇者

獻工笙入三終主人又獻之吹笙者入堂下奏南陔

主人亦酌間歌三終笙與歌皆畢則堂上與堂下更

南有嘉魚笙崇丘工合樂三闋謂堂上下歌瑟及笙

笙吹鵲巢合之工歌卷耳則笙吹采蘋合之工告樂備而遂

出樂正既告賓以樂備而降言遂一人揚觶乃立司

正焉賓欲去將行旅酬之事乃使一人揚觶知其能

立賓相禮者為司正以主威儀防惰容也

和樂而不流也賓酬主人主人酬介介酬眾賓賓少

長以壺終於沃洗者焉知其能弟長而無遺矣賓酬主以

下行旅酬也未歌之前又介而省眾賓不醉以明降終至旅酬則雖條洗之賤亦以齒序而弟長之無遺

矣降說脫音屨升坐脩也舉爵無算飲酒之節盱不廢

朝莫莫故切不廢夕王曰盱晨飲早哺也記註賓出主

人拜送節文終遂遂猶中也焉知其能安燕而不亂也前

未敬俎立而行禮至此乃屨升坐而燕也舉爵雖無算而不廢朝夕之政令禮畢送賓而終申節文之禮

則安燕而不亂矣貴賤既明降殺既辨和樂而不流弟長而

無遺安燕而不亂此五者足以正身安國矣彼國安

而天下安矣故曰吾觀於鄉而知王道之易易也

子貢觀於蜡

蜡索也歲十有二月索羣神而祀之也

蜡助駕切

孔子曰賜也

樂乎對曰一國之人皆若狂

言醉亂也

賜未知其為樂也

孔子曰百日之勞一日之樂一日之澤非爾所知也

古者民皆勤苦稼穡言百日者喻久也今一日使之飲酒焉樂之見君子之澤也

張而不弛

鮮也周禮作於

文武弗能弛而不張文武弗為一張一弛文

武之道也

郊問第二十九

定公問於孔子曰古之帝王

上古五帝三王

必祀其祖以配

天何也孔子對曰萬物本乎天人本乎祖郊之祭也

大報本反始也

報者酬之以禮反者追之以心

故以配上帝

萬物皆天之所

生而人則祖之所生祖與天皆吾有生之本始安天

垂象

日月星辰在天成象

聖人則之郊所以明天道也公曰寡人

聞郊而莫同何也孔子曰郊之祭也迎長日之至也

周人以冬至日長故迎而祭之

大報天而主日配以月

天尊而不可主以事有祀

必有配而天象莫大乎日月故主日而配以月故周之始郊其月以日至其

日用上辛至於啓蟄之月則又祈穀于上帝

祈求也為農祈

穀于上帝月令孟春之月乃以元日祈穀于上帝是也魯無仲冬大郊之事至於祈農與天子同故春秋

傳曰郊祀后稷以祈農事是也故啓蟄而郊郊而後耕說者不知惟經禮指歸而妄為之說顛倒神祇變

易時日遷改兆位良可痛也

此二者天子之禮也魯無冬至大郊

之事降殺於天子是以不同也公曰其言郊何也孔

子曰兆丘於南所以就陽位也於郊故謂之郊焉封兆

土也兆丘於南謂之圜丘兆之於南郊也然郊之名有三封為圜丘以象天自然故謂之圜丘圜丘人之

所造故謂之泰壇於南郊在南也說者謂南郊與圜丘異則是詩易尚書謂圜丘也又不通泰壇之名或

乃謂周官圜丘皆虛罔之言不通典制此王排鄭氏之說而以圜丘泰壇一物而兩名也按通考陳氏禮

書則以南郊之丘圜而高者為圜丘所以象天之自然祭以自然之丘以致敬也南郊為壇以燔柴為泰

壇燔以人為之壇以盡文也而以祭地之方澤瘞埋之泰折佳之則燔柴瘞埋必與丘澤為二處而丘與

壇非一曰其牲器何如孔子曰上帝之牛角繭栗必

在滌三月后稷之牛唯具角如繭栗犢也滌牢中清

可為帝牛故稷牛亦在滌中若至期卜牲不吉即以

稷牛代之其稷牛臨時取不必三月故云惟具○

滌杜所以別事天神與人鬼也人鬼謂牲用騂尚赤

也駢赤色周尚赤按周禮陽祀用駢牲陰祀用黝牲天陽亦一義也用犢貴誠也誠

作神謂神完也掃地而祭於其質也按禮器曰至敬不壇掃地而祭謂正祭在園丘

之地不在泰壇壇乃人器用陶匏以象天地之性本

為以盡文則非質也萬物無可稱之者故因其自然之體也本

公曰天子之郊其禮儀可得聞乎孔子對曰臣聞天

子於郊則受命於祖廟而作龜於禰宮郊大事不敢專先告于祖

廟受命又至禰廟尊祖親考之義也卜之日王親立

于澤宮以聽誓命澤宮擇賢宮也王既受命于祖廟而卜已吉又至澤宮使有司誓勅

祭禮典章受教諫之義也警命祖教也使有司勅之受諫也既卜獻

命庫門之內所以誠百官也庫門在雉門之外王自澤宮至庫門之內有司

獻王之誓命以申勅與祭將郊則天子皮弁以聽報

示民嚴上也皮弁視朝之服報當祭之候未服祭服而聽報亦以朝服臨之郊之日

喪者不敢哭凶服者不敢入國門即清路之義言反新土于上行者必止清路以新土也祀似凡民有三音通也

字具燎以照路也弗命而民聽敬之至也不通結喪者言不令而行民天子大裘以黼之被袞象天按周禮王

化嚴上之教也袞以襲裘以有象天之文故乘素車貴其質也按虞書

被之道路至泰壇而後脫之輅此素車疑木輅也而書圖玉輅太旂十有二旒書作

龍章而設以日月所以法天也旂太常也繆用正幅屬

皆畫交龍三辰之既至泰壇王脫裘以臨燔

文法天法天象也

柴

積柴奉壇加牲玉燎之以達氣戴冕按說文瑧玉傷也瑧以五采

記作藻蓋言采絲繩也○藻子皓切則天數也天之數臣聞之誦詩

三百不足以一獻

祭禮

一獻之禮不足以大饗

裕祭

大饗之禮不足以大旅

祭五帝

大旅具矣不足以饗帝

祭天也

是以君子無敢輕議於禮者也

學詩能言而言不足以盡祭禮

之意其義深也

五刑解第三十

冉有問於孔子曰古者三皇五帝不用五刑信乎孔

子曰聖人之設防貴其不犯制五刑而不用所以為

至治也凡夫

猶常人也

之為姦邪竊盜靡

滅也

法妄行者生

於不足不足生於無度無度則小者偷盜大者侈靡
各不知節是以上有制度則民知所止民知所止則
不犯故雖有姦邪盜賊靡法妄行之獄而無陷刑之
民不孝者生於不仁不仁者生於喪祭之無禮明喪
祭之禮所以教仁愛也能教仁愛則喪思慕祭祀不
鮮人子饋養之道也言孝子奉祭祀不敢鮮喪祭之
禮明則民孝矣故雖有不孝之獄而無陷刑之民弑
上生於不義義所以別貴賤明尊卑也貴賤有別尊
卑有序則民莫不尊上而敬長朝聘之禮者所以明
義也君臣之義義必明則民不犯故雖有弑上之獄而無

陷刑之民鬪變者生於相陵相陵者生於長幼無序而遺敬讓鄉飲酒之禮者所以明長幼之序而崇敬讓也長幼必序民懷敬讓故雖有鬪變之獄而無陷刑之民淫亂者生於男女無別男女無別則夫婦失義昏禮聘享者所以別男女明夫婦之義也男女既別夫婦既明故雖有淫亂之獄而無陷刑之民此五者刑罰之所以生各有源焉不豫塞其源而輒繩之以刑是謂爲民設罪而陷之刑罰之源生於嗜慾不節夫禮度者所以禦民之嗜慾而明好惡順天之道禮度既陳五教畢脩而民猶或未化尚必明其法典

以申固之

申令以固其教

其犯姦邪靡法妄行之獄者則飭

制量之度有犯不孝之獄者則飭喪祭之禮有犯弑

上之獄者則飭朝覲之禮有犯鬪變之獄者則飭鄉

飲酒之禮有犯淫亂之獄者則飭昏聘之禮三皇五

帝之所以化民者如此雖有五刑不用不亦可乎孔

子曰大罪有五而殺人爲下逆天地者罪及五世誣

文武者罪及四世逞人倫者罪及三世謀

議也

鬼神者

罪及二世手殺人者罪及其身故曰大罪有五而殺

人爲下矣

再有問於孔子曰先王制法使刑不上於大夫禮不

下於庶人然則大夫犯罪不可以加刑庶人之行事
不可以治於禮乎孔子曰不然凡治君子以禮術其
心所以厲之以廉恥之節也故古之大夫有坐不廉
汙穢而退放之者不謂之不廉汙穢而退放則曰簠
簋不飭有坐淫亂男女無別者不謂之淫亂男女無
別則曰帷幕不脩也有坐罔上不忠者不謂之罔上
不忠則曰臣節未著有坐罷軟不勝任者不謂之罷
軟不勝任則曰下官不職言其下官不稱職不斥其身也有坐干國
之紀者不謂之干國之紀則曰行事不謹此五者大
夫既自定有罪名矣而猶不忍斥然正以呼之也

直指

其罪而正之也既而為之諱所以愧恥之是大夫之罪其在

五刑之域者按誼傳作大譴也聞而譴發罪聞於上

密之也按誼傳作聞譴訶則是大夫聞上之則白冠

釐纓之強曲者也盤水加劔明君法平而造乎闕

作造請室而自請罪君不使有司執縛牽掣而加之也按

傳加當作行謂係引而行也其下又有其中罪者

命而自弛君不使人頸盤而加之也二十字此其有大

中罪一節而誤也弛廢也頸盤師古曰以絞其有大

罪者聞命則北面再拜跪而自裁君不使人捽引引

傳作抑捽持其髮抑按而刑殺之也曰子大夫自取之則又甚於頸盤矣

之耳吾遇子有禮矣以刑不上大夫而大夫亦不失

其罪者教使然也所謂禮不下庶人者以庶人遽其
事而不能充禮遠忽也充用也故不責之以備禮也再有跪
然跪拜也去委切免避也席曰言則義矣求未之聞退而記之

刑政第三十一

仲弓問於孔子曰雍聞至刑無所用政任刑則至政廢也

無所用刑政善則刑錯也至刑無所用政桀紂之世是也至

政無所用刑成康之世是也信乎孔子曰聖人之治

化也必刑政相參焉太上以德教民而以禮齊之其

次以政事道民以刑禁之刑不刑也刑設而不用也化之弗

變道之弗從傷義而敗俗於是乎用刑矣顓顓制也五

刑必即天倫

即天意也

行刑罰則輕無赦

行刑罰之官雖輕猶

不得作刑例也例成也

例與形同言不可變壹成而不更故若

子盡心焉

人命至重惟刑不可更故君子所必慎也

仲弓曰古之聽訟尤

罰麗於事不以其心得聞乎

王曰尤過也麗附也

相當不由其心也○一說有罪過當誅使罰與事相附麗乃刑當其罪孔子以下明麗事而不由其心也

孔子曰凡聽五刑之訟必原父子之情立君臣之義

以權之意論輕重之序慎測淺深之量以別之悉其

聰明正其忠愛以盡之大司寇正刑明辟以察獄獄

必三訊焉

一曰訊羣臣二曰訊羣吏三曰訊萬民也

有指無簡則不聽也

王曰簡誠也有意無其誠者不論以為罪也○一說當決之罪三訊然後決其輕重若有發露之旨無簡

不聽決也附從輕赦從重

王曰附人之罪以輕為比赦人之罪以重為比○一

說不聽者難於出而附以罪則從輕使不失入可疑出而赦其罪則從重使不失出即前輕無赦之意疑

獄則泛與衆共之疑則赦之皆以小大之比成也

猶比

例也因其罪之大小各以其例是故爵人必於朝與察而成之惟其公也比毗志切

衆共之也刑人必於市與衆棄之也古者公家不畜

刑人大夫弗養也士遇之塗以弗與之言屏諸四方

唯其所之不及與政弗欲生之也言與衆仲弓曰聽

獄獄之成何官孔子曰成獄成於吏吏以獄成告

於正吏獄官吏正獄官長正既聽之乃告大司寇聽之乃奉於

王王命三公卿士參聽棘木之下外朝法左九棘孫卿大夫位焉古九

棘公侯伯子男位馬面三槐三公位然後乃以獄之成疑定也○於王

王三宥之以聽命君王尚寬宥罪雖已定猶三宥之

不識二過失三遺忘也而制刑焉所以重之也仲弓曰其禁何

禁孔子曰巧言破律巧賣法遁名改作變言與執左

道以亂政者殺左道作淫聲淫逸也惑造異服非所

設伎奇器以蕩上心者殺器○巧異眩曜人心之行偽

而堅行詐偽而言詐而辯學非而博順非而澤順其

澤滑以惑衆者殺假於鬼神時日卜筮以疑衆者殺此

四誅者不以聽不聽棘木之下仲弓曰其禁盡於此而已孔

子曰此其急者其餘禁者十有四焉命服命車不粥

於市粥賣也珪璋璧琮不粥於市宗廟之器不粥於

市兵車旂旗不粥於市犧牲秬鬯不粥於市戎器兵

甲不粥於市用器不中度不粥於市布帛精麤不中

數廣狹不中量不粥於市姦色亂正色不粥於市文

錦珠玉之器雕飾靡麗不粥於市衣服飲食不粥於

市賣成衣服非侈必偽故禁之禁賣熟食所以防侈也果實不時不粥於市五

木不中伐不粥於市鳥獸魚鼈不中殺不粥於市凡

執此禁以齊衆者不赦過也

禮運第三十二

孔子爲魯司寇與於蜡既賓徹俎而事畢乃出遊於

觀之上

觀宮門外闕周禮所謂象魏者也

喟然而嘆言偃侍曰夫子

何嘆也孔子曰昔大道之行

此謂三皇五帝時大道行也

與三代

之英

秀也謂禹湯文武也

吾未之逮也

逮及

而有記焉

聞而大

道之行天下為公選賢與能講信脩睦

賢能可逮即與之習誠信

脩親睦不私其有也故人不獨親其親不獨子其子

所謂大遠天下為公

老有所終壯有所用矜

同

寡孤疾皆有所養貨惡其

棄於地不必藏於己力惡其不出於身不必為人

言

惡其不出於身不以為德惠於人而為之也

是以姦謀閉而不興盜竊亂

賊不作故外戶而不閉謂之大同今大道既隱天下

為家各親其親各子其子貨則為己力則為人大夫世

及以為常城郭溝池以為固禹湯文武成王周公由

此而選言用大道而禮所由出所以為選也未有不謹於禮禮之所興

與天地並如有不由禮而在位者則以為殃記有此謂小康

四言偃復問曰如此乎禮之急也孔子曰夫禮先王

所以承天之道以治人之情記有本於天發於地列於鬼神達

於喪祭鄉射冠昏朝聘故聖以禮示之則天下國家

可得而正矣言偃曰今之在位莫知由禮何也孔子

曰嗚呼哀哉我觀周道幽厲傷之幽厲二王者皆傷周道也吾捨

魯何適魯有聖人之風猶勝諸國也夫魯之郊及禘皆非禮言失於禮

而亡其義周公其已衰矣子孫不能行其禮義故也何孟春曰春秋意林謂魯之郊禘非

成王之賜伯禽之受伯禽受封傳世二十二至魯惠

公始有請郊廟之事平王使史角止之使成王時魯

已得郊則惠公奚用請之按魯史惠隱桓莊閔僖六

公相繼而立惠公之四十六年乃周平王之四十九

年即隱公之元年隱公四年初獻六羽為周桓王之

元年至僖公魯頃有稱羨郊祀之事僖公元年為周

惠王十八年去成王益遠矣要之郊禘之事惠公之

得請在平王之末年隱公攝位而改正之桓莊之後

僖公復僭用之詩與春秋乃孔子之所刪定良可考

也何孟春歷引魯頃君陳春秋以明成王無首壞周

公禮樂之事三經祀之郊也禹以杞夏后本郊鯀周公

之語宜皆不繆也杞之郊也契是天子之事守

郊以禹郊禹與廟制不同宋之郊也契是天子之事守

此以周公所制言也天子以杞宋二王之後周公攝

也禹契所行之事杞天子以杞宋二王之後周公攝

政致太平而與天子同是禮也魯本難同於杞宋夫

美也如諸侯祭社稷祭記上有天子宗廟上下皆奉其

作耶

作耶

典而祝嘏莫敢易其常法是謂大嘉也今使祝嘏辭

說徒藏於宗祝巫史非禮也按周禮太宗伯詔相王之大禮言君臣皆當知

辭說之意義是謂幽國幽敵醎竿及尸君非禮也夏

戰殷曰竿非王者之是謂僭君僭修冕弁兵車藏於

私家非禮也大夫稱家冕弁祭服按禮曰天子諸侯

藏之也兵是謂脅君迫於大夫具官祭器不假聲樂

皆具非禮也大夫家臣不能具官無田不能為祭器

有是為亂國故仕於公曰臣仕於家曰僕三年之喪

與新有婚者朞不使也君不使之所以使以衰裳入

朝與家僕雜居齊齒非禮也是謂臣與君共國不居喪於

家是以君朝為家也與僕並
列於朝是與家臣同朝也天子有田以處其子孫

諸侯有國以處其子孫大夫有采以處其子孫是謂

制度天子子孫有功者封侯餘分以畿內之田計侯

夫不當割采地以與子天子適諸侯必舍其宗廟而

不以禮籍入是謂天子壞法亂紀天子臨諸侯將舍其宗廟必先告其

鬼神以將入不以禮籍入是謂天子而慢人之諸侯非問疾弔喪

而入諸臣之家是謂君臣為讎讎夫禮者君之柄柄亦

持兼所以別嫌明微損鬼神考制度列仁義立政教

安君臣上下也故政不正則君位危君位危則大臣

倍小臣竊刑肅而俗弊刑後則則法無常法無常則

禮無別禮無別則士不仕一作事不脩職也民不歸是謂疵

國是故夫政者君之所以藏身也言所藏於身不必

本之天效以降命效天以下教令所謂則天之明命降於社之謂教

地所謂因地之利降於祖廟之謂仁義奉祖廟彌近

尊仁義降於山川之謂興作下命所謂祭山川者謂

也降於五祀之謂制度下命使事五祀者以此聖人

所以藏身之固也此則固聖人參於天地並於鬼神

以治政也處其其指天地所存禮之序也翫其所樂

民之治也言聖人常法其所存此禮之所以序天生

時地生財人其父生而師教之四者君以政記作用

之所以立於無過之地

言在人君先正其身也

君者人所明

記作

則非明則人者也人所養非養人者也人所事非事

人者也夫君者明則人則有過

失其師教之責

故養人則不

足

時君失政不能給其養

事人則失位故百姓明則君以自治

養君以自安事君以自顯是以禮達而分定人皆愛

其死而惠其生

人皆愛惜其死而惠其生之無禮也

是故用人之智去

舍也下同其詐用人之勇去其怒用人之仁去其貪國有

患君死社稷謂之義大夫死宗廟謂之變

大夫有去就之義未

必常死宗廟者其死宗廟者權變為之也變一作辨言得其正也

凡聖人能以天下

為一家以中國為一人非意之必知其情

不待測度自知其必

有此從於其義明於其利達於其患然後為之何謂
七情喜怒哀懼愛惡欲七者弗學而能何謂人義父
慈子孝兄良弟悌夫義婦聽長惠幼順君仁臣忠十
者謂之人義講信脩睦謂之人利爭奪相殺謂之人
患聖人之所以治人七情脩十義講信脩睦尚辭讓
去爭奪舍禮何以治之飲食男女人之大欲存焉死
三貪苦人之大惡存焉欲惡者人之大端人藏其心
不可測度美惡皆在其心不見其色欲一以窮之舍
禮何以哉禮有常度得失以之故人者天地之德陰陽之交鬼
神之會五行之秀天秉陽垂日星地秉陰竅於山川

山澤通氣播五行於四時和四氣而後月生五行一陰分王於四時

四時布四氣而溫涼寒暑各應其候言十二月而歲成也是以三五而盈三五而

缺五月陰道不常滿故十五日滿十五日成也五行之動共迭記作

相竭也竭盡也水用事盡則木用事五行四氣十二月

還相為本用事者五聲六律十二管還相為宮五聲者宮

商角徵羽也律陰陽各六也管候氣之管五味六和

十二食還相為質五味酸苦鹹辛甘六和者和各

十二食者十二月之食質五色六章十二衣還相為

主五色青赤白黑黃并玄為六章十二月之衣如月令春青夏赤之類主其時之二色而間雜成章也

故人者天地之心人於天地間如五藏之有心而五

行之端端始也能食味別聲被色而生者也聖人作

則作法必以天地為本陰陽為端以四時為柄以日

星為紀月以為量鬼神以為徒五行以為質禮義以

為器人情以為田四靈以為畜以天地為本故物可

舉天地為本則萬物苞在於其中以陰陽為端故情可睹淑慝之情以四

時為柄故事可勸日時各有事故以日星為紀故業

可別日以紀晝星以紀夜月以為量故功有藝有度

成四時猶功業各有分理也藝猶理鬼神以為徒故事有功鬼神不相干各有守

五行以為質故事可復也五行終則復始禮義以為

器故事行有考考人情以為田故入以為與也治人情如

治田不使邪之害正猶去莠之害苗
人知向道之方如知室之有與也
四靈以為畜故

飲食有由也
四靈鳥獸之長其屬因四靈而用也
何謂四靈

麟鳳龜龍謂之四靈故龍以為畜而魚鮪不泔
也

在切鳳以為畜而鳥不戕
飛去也
麟以為畜而獸不戕

驚走也
龜以為畜而人情不失
易曰定天下之吉凶

善於著龜人
先王秉著龜列祭祀瘞繪宣祝嘏
瘞謂

情不失也
之瘞繪謂若繪封太山之
設制度
禮器
祝嘏辭說
禮文
故

國有禮官有衙
治也
職有序先王患禮之不達於下故

饗帝於郊所以定天位也祀社於國所以列地利也

禘祖廟所以本仁也張山川所以儼鬼神也祭五祀

所以本事也

按五祀者戶竈中雷門行也春戶以木夏竈以火中雷以土秋門以金冬行以

水各本其所用事之神而祀之故宗祝在廟三公在

朝三老在學

五更三老在學

王前巫而後史卜著瞽侑

瞽樂師也

以辨樂侑四輔也以贊儀

皆在左右王中

句居其中也

心無為也以守

至正

後五者君之自防以率下也

是以禮行於郊而百神受職禮

行於社而百貨可極禮行於祖廟而孝慈服焉

孝慈之道

為遠近所服焉禮行於五祀而正法則焉

即上文制度之差等如天子以下以

次降殺至庶人一祀或戶或竈是也

故郊社宗廟山川五祀義之脩而

禮之藏

禮之藏一日府

夫禮必本於太一

太一者元氣也

分而為天

地轉而為陰陽變而為四時列而為鬼神其降曰命

即上所為命降其官於天也官謂職分也言禮之協

於天地祖廟也藝者理也藝上記有禮本於天動而之地列

於分藝而之事變而從時十六字疏云即申前章本

有藝之意良是其居於人也曰養王曰禮之於人身

按疏養作義而養下記有其行之以貨力辭讓飲食

冠昏喪祭射術朝聘故禮義者人之大端也二十

睦而固人之肌膚之會筋骸之束者所以養生送死

事鬼神之大端所以達天道順人情之大實實所以

唯聖人為知禮之不可以已也故破國喪家亡人必

先去其禮禮之於人猶酒之有藥也藥牙君子以厚

小人以薄聖王脩義之柄禮之序以治人情人情者

聖王之田也脩禮以耕之陳義以種之講學以耨之

釋除穢也

本仁以聚之措樂以安之故禮者義之實也協

諸義而協則禮雖先王未之有可以義起焉義者藝

事理之宜

之分仁之節

心之則

協於藝講於仁得之者強失

之者喪仁者義之本

全體也

順

百順也

之體

質也

得之者尊

故治國不以禮猶無耜而耕為禮而不本於義猶耕

之而弗種為義而不講於學猶種而弗耨講之以學

而不合之以仁猶耨而不獲合之以仁而不安之以

樂猶獲而弗食安之以樂而不達於順猶食而不肥

四體既正膚革充盈人之肥也父子篤兄弟睦夫婦

和家之肥也大臣法小臣廉官職相序君臣相正國
之肥也天子以德為車以樂為御諸侯以禮相與大
夫以法相序士以信相考百姓以睦相守天下之肥
也是謂大順順者所以養生送死事鬼神之常也故
事大積焉而不苑滯積也委私切並行而不謬細行而不失
浚而通茂而不間言有理也連而不相及言有序也動而不相
害此順之至也明於順然後乃能守危高而不危以長守危夫
禮之不同不豐不殺所以持情而合危也保危也山
者不使居川渚者不使居原用水火金木飲食必時

用水漁入以時入澤梁既灌用火季春出火季秋
納火也用金以時采銅鉄用木斧斤以時入山林飲

食各隨四時冬合男女春頌爵位必當年德
男女之

之道者也德之用民必順
說以皆祈順也故無水旱昆蟲之災民

無凶饑妖孽之疾天不愛其道地不愛其實人不愛

其情是以天降甘露地出醴泉山出器車謂石中象

圭璧璜河出龍圖龍似馬鳳凰麒麟皆在郊棟同龜

龍在宮沼其餘鳥獸及卵胎皆可俯而窺也則是無
故先王能循禮以達義體信以達順此順之實也

家語卷之七





善
至
長
金
子
水

如
子
如
如
如
如
如

如
如
如
如
如
如
如

如
如
如
如
如
如
如

如
如
如
如
如
如
如

